

摘藻堂四庫全書薈要

經部

欽定四庫全書薈要

經部

禮記集說卷七



欽定四庫全書薈要卷二千二百九十五

經部

禮記集說卷七

元 陳澠 撰

樂記第十九

凡音之起由人心生也人心之動物使之然也感於物而動故形於聲聲相應故生變變成方謂之音比音而

樂之及于戚羽旄謂之樂

凡樂音之初起皆由人心之感於物而生人心虛靈不昧

感而遂通情動於中故形於言而為聲聲之辭意相應自然生清濁高下之變變而成歌詩之方法則謂之音矣成方猶言成曲調也比合其音而播之樂器及舞之干戚羽旄則謂之樂焉干戚武舞也羽旄文舞也○比

毗至反樂如  
字調去聲

樂者音之所由生也其本在人心之感於

物也是故其哀心感者其聲噍以殺其樂心感者其聲

啍以緩其喜心感者其聲發以散其怒心感者其聲粗

以厲其敬心感者其聲直以廉其愛心感者其聲和以

柔六者非性也感於物而后動

方氏曰人之情得所欲則樂喪所欲則哀順其

心則喜逆其心則怒於所畏則敬於所悅則愛噍則竭而無澤殺則減而不隆蓋心喪其所欲故形於聲者如此啍則闡而無餘緩則紆而不迫蓋心得其所欲故形於聲者如此發則生而不窮散則施而無積蓋順其心故形於聲者如此直則無委曲廉則有分際蓋心有所畏故形於聲者如此和則不乖柔則致順蓋心有所悅



故形於聲者如此○愚謂粗以厲者高急而近於猛暴也六者心感物而動乃情也非性也性則喜怒哀樂未發者也○噍音焦殺色介切樂音洛嘽昌展切是故先王慎所以感之者故禮

以道其志樂以和其聲政以一其行刑以防其姦禮樂刑

政其極一也所以同民心而出治道也

劉氏曰慎其政之所以感人心

者故以禮而道其志之所行使必中節以樂而和其聲之所言使無乖戾政以教不能而一其行刑以罰不率而防其姦禮樂刑政四者之事雖殊而其致則一歸於慎其所以感之者所以同民心而出治道也○行去聲

中去聲

凡音者生人心者也情動於中故形於聲聲成文

謂之音是故治世之音安以樂其政和亂世之音怨以

怒其政乖亡國之音哀以思其民困聲音之道與政

通矣

此言音生於人心之感而人心哀樂之感由於政治之得失此所以慎其所以感之者也治世政事

和諧故形於聲音者安以樂亂世政事乖戾故形於聲音者怨以怒將亡之國其民困苦故形於聲音者哀以思此聲音所以與政通也○詩疏曰雜比曰音單出曰聲哀樂之情發見於言語之聲於時雖言哀樂之事未有宮商之調惟是聲耳至於作詩之時則次序清濁節奏高下使五聲為曲似五色成文即是為音此音被諸絃管乃名為樂宮為君商為臣角為民徵為事羽為物五者不

亂則無怙慝之音矣

劉氏曰五聲之本生於黃鍾之律其長九寸每寸九分九九八十一

是為宮聲之數三分損一以下生徵則去二十七得五十四也徵三分益一以上生商則加十八得七十二也

商三分損一以下生羽則去二十四得四十八也羽三分益一以上生角則加十六得六十四也角聲之數三分之不盡一算其數不行故聲止於五此其相生之次也宮屬土絃用八十一絲為最多而聲至濁於五聲獨尊故為君象商屬金絃用七十二絲聲次濁故次於君而為臣象角屬木絃用六十四絲聲半清半濁居五聲之中故次於臣而為民象徵屬火絃用五十四絲其聲清有民而後有事故為事象羽屬水絃用四十八絲為最少而聲至清有事而後用物故為物象此其大小之次也五聲固本於黃鍾為宮然還相為宮則其餘十一律皆可為宮宮必為君而不可下於臣商必為臣而不可上於君角民徵事羽物皆以次降殺其有臣過君民過臣事過民物過事者則不用正聲而以半聲應之此八音所以克諧而無相奪倫也然聲音之道與政相通必君臣民事物五者各得其理而不亂則聲音和諧而無怙懣也怙懣者散敗也○怙音覘懣昌制切徵上聲

去上聲還音  
旋殺去聲

宮亂則荒其君驕商亂則陂其臣壞角亂

則憂其民怨徵亂則哀其事勤羽亂則危其財匱五者

皆亂迭相陵謂之慢如此則國之滅亡無日矣

此言審樂以知

政若宮亂則樂聲荒散是知由其君之驕恣使然也餘四者例推。陳氏曰五聲含君臣民事物之象必得其理方調得律呂否則有臣陵君民過臣而謂之奪倫矣此却不比漢儒附會效法之言具有此事毫髮不可差設或樂聲奪倫即其國君臣民物必有不盡分之事如州鳩師曠皆能以此知彼正是樂與政通。陂音界

鄭衛之音亂世之音也比於慢矣桑間濮上之音亡國

之音也其政散其民流誣上行私而不可止也

此慢字承上文

謂之慢而言比近也桑間濮上衛地濮水之上桑林之間也史記言衛靈公適晉舍濮上夜聞琴聲召師涓聽而寫之至晉命涓為平公奏之師曠曰此師延靡靡之樂武王伐紂師延投濮水死故聞此聲必於濮水之上也政散故民罔其上民流故行其淫蕩之私也○張子曰鄭衛地濱大河沙地土薄故其人氣輕浮其地平下故其質柔弱其地肥饒不費耕耨故其人心怠惰其人情性如此其聲音亦然故聞其樂使人如此懈慢也○朱子曰鄭聲之淫甚於衛夫子論為邦獨以鄭聲為戒蓋舉重而言也○此毗至切濮音卜凡音者

生於人心者也樂者通倫理者也是故知聲而不知音者禽獸是也知音而不知樂者衆庶是也唯君子為能知樂是故審聲以知音審音以知樂審樂以知政而治

道備矣是故不知聲者不可與言音不知音者不可與

言樂知樂則幾於禮矣禮樂皆得謂之有德德者得也

倫理事物之倫類各有其理也。○方氏曰凡耳有所聞者皆能知聲心有所識者則能知音道有所通者乃能知樂若瓠巴鼓瑟流魚出聽伯牙鼓琴六馬仰秣此禽獸之知聲者也魏文侯好鄭衛之音齊宣王好世俗之樂此衆庶之知音者也若孔子在齊之所聞季札聘魯之所觀此君子之知樂者也。○應氏曰倫理之中皆禮之所寓知樂則通於禮矣不曰通而曰幾是故樂之隆者辨析精微之極也。○幾平聲好去聲

非極音也食饗之禮非致味也清廟之瑟朱絃而疏越

壹倡而三歎有遺音者矣大饗之禮尚玄酒而俎腥魚

大羹不和有遺味者矣是故先王之制禮樂也非以極口腹耳目之欲也將以教民平好惡而反人道之正也樂之隆盛不是為極聲音之美食饗禘祫之重禮不是為極滋味之美蓋樂主於移風易俗而祭主於報本反始也鼓清廟之詩之瑟練朱絲以為絃絲不練則聲清練之則聲濁疏通也越瑟底之孔也疏而通之使其聲遲緩瑟聲濁而遲是質素之聲非要妙之音也此聲初發一倡之時僅有三人從而和之言和者少也以其非極聲音之美故好者少然而其中則有不盡之餘音存焉故曰有遺音者矣尊以玄酒為尚俎以生魚為薦太羹無滋味之調和是質素之食非人所嗜悅之味也然而其中則有不盡之餘味存焉故曰有遺味者矣由此觀之是非以極口腹耳目之欲也教民平好惡謂不欲其好惡之偏私也人道不正必自好惡不平始好惡得

其平則可以復乎人道之正而風移俗易矣。朱子曰  
一倡而三嘆謂一人倡而三人和今解者以為三歎息  
非也。○食音嗣越如字大音泰和好惡為並去聲  
人生而靜天之性也感於物

而動性之欲也物至知知

朱子曰上知字是體下知字是用

然後好惡

形焉好惡無節於內知誘於外不能反躬天理滅矣夫  
物之感人無窮而人之好惡無節則是物至而人化物  
也人化物也者滅天理而窮人欲者也於是有悖逆詐  
偽之心有淫佚作亂之事是故强者脅弱衆者暴寡知  
者詐愚勇者苦怯疾病不養老幼孤獨不得其所此大



亂之道也

劉氏曰人生而靜者喜怒哀樂未發之中天命之性也感於物而動則性發而為情也人

心虛靈知覺事至物來則必知之而好惡形焉好善惡惡則道心之知覺原於義理者也好妍惡醜則人心之知覺發於形氣者也好惡無節於內而知誘於外則是道心昧而不能為主宰人心危而物交物則引之矣不能反躬以思其理之是非則人欲熾而天理滅矣況以無節之好惡而接乎無窮之物感則心為物役而違禽獸不遠矣違禽獸不遠則爪剛者決力強者奪此所以為大亂之道也。好惡知者之知並去聲樂音洛是

故先王之制禮樂人為之節哀麻哭泣所以節喪紀也

鐘鼓干戚所以和安樂也昏姻冠笄所以別男女也射

鄉食饗所以正交接也禮節民心樂和民聲政以行之

刑以防之禮樂刑政四達而不悖則王道備矣

劉氏曰先王之

制禮樂因人情而為之節文因其哀死而喪期無數故為哀麻哭泣之數以節之因其好逸樂而不能和順於義理故為鐘鼓干戚之樂以和之因其有男女之欲而不知其別故為昏姻冠笄之禮以別之因其有交接之事而或失其正故為射鄉食饗之禮以正之節其心所以使之行而無過不及和其聲所以使之言而無所乖戾為之政以率其怠倦而使禮樂之教無不行為之刑以防其恣肆而使禮樂之道無敢廢禮樂刑政四者通行於天下而民無悖違之者則王者之治道備矣。哀音催安樂樂音洛食音嗣逸樂樂音洛別必列切冠去聲

樂者為同禮者為異同則相親異則相敬樂勝則流

禮勝則離合情飾貌者禮樂之事也禮義立則貴賤等

矣樂文同則上下和矣好惡著則賢不肖別矣刑禁暴

爵舉賢則政均矣仁以愛之義以正之如此則民治行

矣

和以統同序以辨異樂勝則流過於同也禮勝則離過於異也合情者樂之和於內所以救其離之失飾

貌者禮之檢於外所以救其流之失此禮之義樂之文所以相資為用者也仁以愛之則相敬而不至於離義以正之則相親而不至於流此又以仁義為禮樂之輔者也等貴賤和上下別賢不肖均政此四者皆所以行民之治故曰民治行矣。應氏曰上言王道備言其為治之具也此言民治行言其為治之效。別必列切

樂由中出禮自外作樂由中出故靜禮自外作故文大

樂必易大禮必簡樂至則無怨禮至則不爭揖讓而治

天下者禮樂之謂也暴民不作諸侯賓服兵革不試五刑不用百姓無患天子不怒如此則樂達矣合父子之

親明長幼之序以敬四海之內天子如此則禮行矣

應氏

謂四海之內四字恐在合字上如此則文理為順。劉氏曰欣喜歡愛之和出於中進退周旋之序著於外和則情意安舒故靜序則威儀交錯故文大樂與天地同和如乾以易知而不勞大禮與天地同節如坤以簡能而不煩樂至則人皆得其所而無怨禮至則人各安其分而不爭如帝世揖讓而天下治者禮樂之至也達者徹於彼之謂行者出於此之謂行者達之本達者行之效天子自能合其父子之親明其長幼之序則家齊族睦矣又能親吾親以及人之親長吾長以及人之長是謂以敬四海之內則禮之本立而用行矣禮之用行而

後樂之效達故於樂但言天子無可怒者而於禮則言天子如此是樂之達乃天子行禮之效也周子曰萬物各得其理而後和故禮先而樂後是也

大樂與天地同和大禮與天地同

節和故百物不失節故祀天祭地明則有禮樂幽則有鬼神如此則四海之內合敬同愛矣禮者殊事合敬者也樂者異文合愛者也禮樂之情同故明王以相沿也

故事與時並名與功偕

百物不失言各遂其性也。朱子曰禮主減樂主盈鬼神亦止

是屈伸之義禮樂鬼神一理又曰在聖人制作處便是禮樂在造化功用處便是鬼神禮有經禮曲禮之事殊而敬一樂有五聲六律之文異而愛一所以能使四海之內合敬同愛者皆大樂大禮之所感化也禮樂之制

在明王雖有損益而情之同者則相因述也惟其如此是以王者作興事與時並如唐虞之時則有揖讓之事夏殷之時則有放伐之事名與功偕者功成作樂故歷代樂名皆因所立之功而名之也○蔡氏曰禮樂本非判然二物也人徒見樂由陽來禮由陰作即以為禮屬陰樂屬陽判然為二殊不知陰陽一氣也陰氣流行即為陽陽氣凝聚即為陰非真有二物也禮樂亦止是一理禮之和即是樂樂之節即是禮亦非二物也善觀者既知陰陽禮樂之所以為二又知陰陽禮樂之所以為一則達禮樂之體用矣故鐘鼓管磬羽籥干戚樂之器也屈伸俯仰綴兆舒疾樂之文也簠簋俎豆制度文章禮之器也升降上下周還裼襲禮之文也故知禮樂之情者能作識禮樂之文者能述作者之

謂聖述者之謂明明聖者述作之謂也

綴舞者行位相連綴也兆位外

之營兆也。祔襲說見曲禮。情謂理趣之深奧者知之悉故能作文。謂節奏之宣著者識之詳故能述。若黃帝堯舜之造律呂垂衣裳。禹湯文武之不相沿襲。皆聖者之作也。周公經制盡取先代之禮樂而參用之。兼聖明之作述也。季札觀樂而各有所論。此明者之述也。夫子之聖乃述而不作者。有其德無其位故耳。○綴音拙。還音旋。行音杭。論去聲。

樂者天地之和也。禮者天地之序也。和故百

物皆化序。故羣物皆別。樂由天作。禮以地制。過制則亂。

過作則暴。明於天地然後能興禮樂也。

朱子曰。樂由天作。屬陽。故有運。

動底意。禮以地制。如由地出。不可移易。○劉氏曰。前言大樂與天地同。和大禮與天地同。節以成功之所合而。

言也此言樂者天地之和禮者天地之序以效法之所  
本而言也蓋聖人之禮樂與天地之陰陽相為流通故  
始也法陰陽以為禮樂終也以禮樂而贊陰陽天地之  
和陽之動而生物者也氣行而不乖故百物皆化天地  
之序陰之靜而成物者也質具而有秩故羣物皆別樂  
由天作者法乎氣之行於天者而作故動而屬陽聲音  
氣之為也禮以地制者法乎質之具於地者而制故靜  
而屬陰儀則質之為也過制則失其序如陰過而肅則  
物之成者復壞矣故亂過作則失其和如陽過而亢則  
物之生者反傷矣故暴明乎天地之和與序然後能興  
禮樂以贊化育也

論倫無患樂之情也欣喜歡愛樂之官也中

正無邪禮之質也莊敬恭順禮之制也若夫禮樂之施  
於金石越於聲音用於宗廟社稷事乎山川鬼神則此



所與民同也

方氏曰金石聲音特樂而已亦統以禮為言者凡行禮然後用樂用樂以成禮未有

用樂而不為行禮者也情官質制者禮樂之義也金石聲音者禮樂之數也其數可陳則民之所同其義難知則君之所獨故於金石聲音曰此所與民同也。劉氏曰論者雅頌之辭倫者律呂之音惟其辭足論而音有倫故極其和而無患害此樂之本情也而在人者則以欣喜歡愛為作樂之主焉中者行之無過不及正者立之不偏不倚惟其立之正而行之中故得其序而無邪僻此禮之本質也而在人者則以莊敬恭順為行禮之制焉此聖賢君子之所獨知也若夫施之器而播之聲以事乎鬼神者則衆之所共知者也。論去聲

者功成作樂治定制禮其功大者其樂備其治辯者其禮具干戚之舞非備樂也孰亨而祀非達禮也五帝殊

時不相沿樂三王異世不相襲禮樂極則憂禮粗則偏

矣及夫敦樂而無憂禮備而不偏者其唯大聖乎

干戚之舞

武舞也不如韶樂之盡善盡美故云非備樂也熟烹牲體而薦不如古者血腥之祭為得禮意故云非達禮也

若奏樂而欲極其聲音之娛樂則樂極悲來故云樂極則憂行禮粗略而不能詳審則節文之儀必有偏失而不舉者故云禮粗則偏矣惟大聖人則道全德備雖敦厚於樂而無樂極悲來之憂其禮儀備具而無偏粗之失也

○辯音  
徧亨音烹

天高地下萬物散殊而禮制行矣流而不

息合同而化而樂興焉春作夏長仁也秋斂冬藏義也仁近於樂義近於禮樂者敦和率神而從天禮者別宜

居鬼而從地故聖人作樂以應天制禮以配地禮樂明

備天地官矣

物各賦物而不可以強同此造化示人以自然之禮制也絪縕化醇而不容以獨異

此造化示人以自然之樂情也合同者春夏之仁故曰仁近於樂散殊者秋冬之義故曰義近於禮敦和厚其

氣之同者別宜辨其物之異者率神所以循其氣之伸居鬼所以斂其氣之屈伸陽而從天屈陰而從地也由

是言之則聖人禮樂之精微寓於制作者既明且備可得而知矣官猶主也言天之生物地之成物各得其職

也。○劉氏曰此申明禮者天地之序樂者天地之和高下散殊者質之具天地自然之序也而聖人法之則禮

制行矣周流同化者氣之行天地自然之和也而聖人法之則樂興焉春作夏長天地生物之仁也氣行而同

和故近於樂秋斂冬藏天地成物之義也質具而異序故近於禮此言效法之所本也敦和者厚其氣之同別

宜者辨其質之異神者陽之靈鬼者陰之靈率神以從天者達其氣之伸而行於天居鬼而從地者斂其氣之屈而具於地蓋樂可以敦厚天地之和而發達乎陽之所生禮可以辨別天地之宜而安定乎陰之所成故聖人作樂以應助天之生物制禮以配合地之成物禮樂之制作既明且備則足以裁成其道輔相其宜而天之所合也。長上聲別必列切應去聲天尊地卑君臣定

矣卑高以陳貴賤位矣動靜有常小大殊矣方以類聚物以羣分則性命不同矣在天成象在地成形如此則

禮者天地之別也

此與易繫辭略同記者引之言聖人制禮其本於天地自然之理者如此

定君臣之禮者取於天地尊卑之勢也列貴賤之位者取於山澤卑高之勢也小者不可為大大者不可為小

故小大之殊取於陰陽動靜之常也。此小大如論語小  
大由之之義。謂小事大事也。方猶道也。聚猶處也。君臣  
父子夫婦長幼朋友各有其道。則各以其類而處之所  
謂方以類聚也。物事也行禮之事。即謂天理之節文。人  
事之儀則行之不止一端。分之必各從其事。所謂物以  
羣分也。所以然者。以天所賦之命。人所受之性。自然有  
此三綱五常之倫。其間尊卑厚薄之等。不容混而一之  
也。故曰性命不同矣。在天成象如衣與旗常之章。著為  
日月星辰之象。在地成形如宮室器具。各有高卑大  
小之制。是取法於地也。由此言之。禮之有別。非天地自  
然之理乎。○應氏曰。此即所謂天高地下萬物散殊而  
禮制行矣。○劉氏曰。此又申言禮者天地之序也。天地  
萬物各有動靜之常。大者有大動靜。小者有小動靜。則  
小大之事法之而久近之期殊矣。方以類聚。言中國蠻  
夷戎狄之民。各以類而聚。物以羣分。言飛潛動植之物  
各以羣而分。則以其各正性命之不同也。故聖人亦因

之而異其禮矣在天成象則日月星辰之歷數各有其序在地成形則山川人物之等倫各有其儀由此言之則禮者豈非天地之別地氣上齊天氣下降陰陽相摩乎○別必列切處上聲

天地相蕩鼓之以雷霆奮之以風雨動之以四時煖之

以日月而百化興焉如此則樂者天地之和也

應氏曰此即所

謂流而不息合同而化而樂興焉○劉氏曰此申言樂者天地之和也齊讀為躋天地相蕩亦言其氣之播蕩也百化興焉所謂天地絪縕而萬物化醇也以言效法之所本○上上聲齊音躋煖音暄

化不時

則不生男女無辨則亂升天地之情也

此言禮樂之得失與天地相關

所謂和氣致祥乖氣致異也總結上文兩節之意

及夫禮樂之極乎天而蟠乎

地行乎陰陽而通乎鬼神窮高極遠而測深厚樂著太  
始而禮居成物著不息者天也著不動者地也一動一  
靜者天地之間也故聖人曰禮樂云

朱子曰乾知太始坤作成物知者管

也乾管却太始太始即物生之始乾始物而坤成之也  
○應氏曰及至也言樂出於自然之和禮出於自然之  
序二者之用充塞流行無顯不至無幽不格無高不屈  
無深不入則樂著乎乾知太始之初禮居乎坤作成物  
之位而昭著不息者天之所以為天昭著不動者地之  
所以為地著不動者藏諸用也著不息者顯諸仁也天  
地之間不過一動一靜而已故聖人昭揭以示人而名  
之曰禮樂也或曰不息不動分著於天地而一動一靜  
循環無端者天地之間也動靜不可相離則禮樂不容  
或分故聖人言禮樂必合而言之未嘗析而言之也以

上言成功之所合。○劉氏曰：自一陽生於子，至六陽極於巳，而為乾。此乾知太始也。自一陰生於午，至六陰極於亥，而為坤。此坤作成物也。又乾坤交於否，泰一歲則正月，泰二壯，三夬，四乾，五姤，六遯，皆有乾以統陰，是乾主春，夏也。七月，否八觀，九剝，十坤，子復，丑臨，皆有坤以統陽，是坤主秋冬也。○夫音扶，上著直，略切，下著如字。否，備鄙切。昔者舜作五絃之琴，以歌南風，夔始制樂，以觀去聲。

賞諸侯，故天子之為樂也，以賞諸侯之有德者也。德盛而教尊，五穀時熟，然後賞之以樂，故其治民勞者，其舞行綴遠，其治民逸者，其舞行綴短。故觀其舞，知其德，聞其謚，知其行也。

應氏曰：勤於治民，則德盛而樂隆，故舞列遠而長；怠於治民，則德薄而樂殺，故舞



舞列近而短。石梁王氏曰：夔制樂，豈專為賞諸侯此處皆無義理。行上二音抗下去聲，綴音拙殺為並去聲。大章章之也，咸池備矣，韶繼也，夏大也，殷周之樂盡

矣。疏曰：堯樂謂之大章者，言堯德章明於天下也；咸池，言德皆施被於天下，無不也。池，施也。黃帝樂名咸池，言德皆施被於天下，無不也。周徧是為備具矣。韶繼也者，言舜之道德繼紹於堯也。夏大也，禹樂名夏者，言能光大堯舜之德也。殷周之樂謂湯之大濩，武王之大武也。盡矣，言於人事盡極矣。天地之道，寒暑不時則疾，風

雨不節則饑，教者民之寒暑也，教不時則傷，世事者民之風雨也，事不節則無功。然則先王之為樂也，以法治

也，善則行象德矣。寒暑者一歲之分劑，風雨者一旦之

以風雨喻事也然則先王之制禮樂事皆有教是法天地之道以為治於天下也施於政治而無不善則民之行象君之德矣。夫豢豕為酒非以為禍也而獄訟益行去聲分去聲

繁則酒之流生禍也是故先王因為酒禮壹獻之禮賓主百拜終日飲酒而不得醉焉此先王之所以備酒禍也故酒食者所以合歡也樂者所以象德也禮者所以綴淫也是故先王有大事必有禮以哀之有大福必有禮以樂之哀樂之分皆以禮終樂也者聖人之所樂也而可以善民心其感人深其移風易俗故先王著其教

馬一獻之事也大福吉慶之事也惟一獻也綴止也大事死喪之

為禍矣哀樂皆以禮終則不至於過哀過樂矣此章言

禮處多而未亦云樂者明禮樂非二用也應氏本漢志

俗下增易字音以鼓反○疏曰按今鄉飲酒之禮是一

去聲音洛分夫民有血氣心知之性而無哀樂喜怒之常應

感起物而動然後心術形焉是故志微噍殺之音作而

民思憂劉氏曰此申言篇首音之生本在人心之感於

物也一條之義民心無常而喜怒哀樂之情應

其感起於物者而動然後其心術形於聲音矣故采詩

可以觀民風審樂可以知國政也志疑當作急急促微

細噍枯殺減也其哀心感者其聲噍以殺故作樂而有

急微噍殺之音則其民心之哀思憂愁可知矣○應去

聲思並去聲 嘒音焦殺

嘒諧慢易繁文簡節之音作而民康樂

嘒寬

諧和慢緩易平也繁文簡節多文理而略節奏也其樂

心感者其聲嘒以緩故此等音作則其民心之安樂可

知矣○嘒昌展切

粗厲猛起奮末廣賁之音作而民剛

易去聲樂音洛 毅粗厲粗疏嚴厲也猛威盛貌奮振迅貌起初末終也

憤也廣憤言中間絲竹匏土草木之音皆怒也其怒心

感者其聲粗以厲故此等音作則可知其民之剛毅○

賁扶切 廉直勁正莊誠之音作而民肅敬廉有稜隅也勁

感者其聲直以廉故此等音作則可知其民之肅敬 寬裕肉好順成和動之音作

而民慈愛

考工記註云好璧孔也肉倍好曰璧好倍肉曰瑗肉好均曰環如此則肉乃璧之肉地也

此言肉好則以譬喻樂音之圓瑩通滑耳其愛心感者其聲和以柔故此等音作則知其民之慈愛。肉而救

切好聲流辟邪散狄成滌濫之音作而民淫亂狄與逖同遠也成者

樂之一終狄成言其一終甚長淫佚之意也滌洗也濫侵僭也言其音之泛濫侵僭如以水洗物而浸漬侵濫無分際也此是其喜心感者而其聲然也故聞此音之作則其民之淫亂可知矣。辟音僻狄音逖分去聲

是故先王本之情性稽之度數制之禮義合生氣之和道五常之行使之陽而不散陰而不密剛氣不怒柔氣不懾四暢交於中而發作於外皆安其位而不相奪也然後立之學等廣其節奏省其文采以繩德厚律小大

之稱比終始之序以象事行使親疏貴賤長幼男女之

理皆形見於樂故曰樂觀其深矣

此承上文聲音之應感而言本之情性即

民有血氣心知之性喜怒哀樂之情也度數十二律上生下生損益之數也禮義貴賤隆殺清濁高下各有其義也生氣之和造化發育之妙也五常之行仁義禮知信之德也言聖人之作樂本於人心七情所感之音而稽考於五聲十二律之度數而制之以清濁高下尊卑隆殺之節而各得其宜然後用之以合天地生氣之和而使其陽之動而不至於散陰之靜而不至於密道人心五常之行而使剛者之氣不至於怒柔者之氣不至於懾天地之陰陽人心之剛柔四者各得其中而和暢焉則交暢於中而發形於外於是宮君商臣角民徵事羽物皆安其位而不相奪倫也此言聖人始因人情而作樂有度數禮義之詳而以之和天地之氣平天下之

情及天氣人情感而太和焉則樂無怙慝之音矣然後  
推樂之教以化民成俗也立之學若樂師掌國學之政  
大胥掌學士之版是也立之等若十三舞勺成童舞象  
之類是也廣其節奏增益學者之所習也省其文采省  
察其音曲之辭使五聲之相和相應若五色之雜以成  
文采也厚如書惟民生厚之厚以繩德厚謂檢約其固  
有之善而使之成德也律以法度整齊之也比以次序  
聯合之也宮音至大羽音至小律之使各得其稱始於  
黃鍾之初九終於仲呂之上六比之使各得其序以此  
法象而寓其事之所行如宮為君宮亂則荒之類故曰  
以象事行也人倫之理其得失皆可於樂而見之是樂  
之所觀其義深奧矣此古有是言記者引以為證○道  
去聲之行行去聲省悉井切稱去聲比毗  
至切事行行如字見音現樂音洛殺去聲  
土敝則草木  
不長水煩則魚鼈不大氣衰則生物不遂世亂則禮慝

而樂淫是故其聲哀而不莊樂而不安慢易以犯節流  
湏以忘本廣則容姦狹則思欲感條暢之氣滅平和之

德是以君子賤之也

土散地力竭也故草木不長水煩  
謂澤梁之入無時水煩擾而魚鼈

不得自如故不大也物類之生必資陰陽之氣氣衰耗  
故生物不得成遂也此三句皆以喻世道衰亂上下無  
常故禮慝男女無節故樂淫也樂淫故哀而不莊樂而  
不安若闕雖則樂而不淫哀而不傷禮慝故慢易以犯  
節流湏以忘本若正禮則莊敬而有節知反而報本也  
廣猶大也狹猶小也言淫樂慝禮大則使人容為姦宄  
小則使人思為貪欲感傷天地條暢之氣滅敗人心和  
平之德是以君子賤之而不用也感或作感感條暢之  
氣則與合生氣之和者反矣滅平和之德則與  
道五常之行異矣○長上聲樂而樂音洛  
凡姦聲



感人而逆氣應之逆氣成象而淫樂興焉正聲感人而順氣應之順氣成象而和樂興焉倡和有應回邪曲直各歸其分而萬物之理各以類相動也

疏曰倡和有應者姦聲正聲感

人是倡也而逆氣順氣應之是和也回謂乖違邪謂邪僻及曲之與直各歸其善惡之分限善歸善分惡歸惡分而萬物之情理亦各以善惡之類自相感動也。應氏曰聲感於微而氣之所應者甚速氣應於微而象之所成者甚著成象則有形而可見見乃謂之象也各歸其分者所謂樂之道歸焉耳。分去聲是故君子反情以和其志比類以成其行姦聲亂色不留聰明

淫樂慝禮不接心術惰慢邪僻之氣不設於身體使耳

目鼻口心知百體皆由順正以行其義

反情復其情性之正也情不失

其正則志無不和比類分次善惡之類也不入於惡類則行無不成曰不留不接不設如論語四勿之謂皆反情比類之事如此則百體從令而義之與比矣此

一節乃學者修身之要法。行去聲比毗至反

然後

發以聲音而文以琴瑟動以干戚飾以羽旄從以簫管奮至德之光動四氣之和以著萬物之理是故清明象天廣大象地終始象四時周還象風雨五色成文而不亂八風從律而不姦百度得數而有常小大相成終始相生倡和清濁迭相為經故樂行而倫清耳目聰明血

氣和平移風易俗天下皆寧

大章之章咸池之備韶之繼皆聖人極至之德發於

樂者其輝光猶若可見也書言光被四表光天之下皆所謂至德之光也四氣之和四時之和氣也小大終始即前章小大之稱終始之序也迭相為經即前篇還相為宮之說也○疏曰八風八方之風也律十二月之律也距冬至四十五日條風至條者生也四十五日明庶風至明庶者迎衆也四十五日清明風至清明者芒也四十五日景風至景者大也言陽氣長養也四十五日涼風至涼寒也陰氣行也四十五日閭闔風至閭闔者咸收藏也四十五日不周風至不周者不交也言陰氣未合化也四十五日廣莫風至廣莫者大莫也開陽氣也○方氏曰清明者樂之聲故象天廣大者樂之體故象地終始者樂之序故象四時周還者樂之節故象風雨○應氏曰五聲配乎五行之色故各成文而不亂八音配乎八卦之風故各從律而不姦自一度衍之而至

於百則百度各得其數猶八卦至於六十四而其變無窮也大而日月星辰之度小而百工器物之度各有數焉不止晝夜之百刻也曰不亂不姦以至有常言其常而不柰也曰相成相生以至迭相為經言其變而不窮也順其常則能極其變矣故曰樂者樂也君子樂得其

○還音旋倡和和去聲

道小人樂得其欲以道制欲則樂而不亂以欲忘道則

惑而不樂

君子之樂道猶小人之樂欲君子以道制欲故坦蕩蕩小人徇欲忘道故長戚戚○樂者

之樂如字餘並音洛

是故君子反情以和其志廣樂以成其教樂

行而民鄉方可以觀德矣

承上文而言所以君子復情和志以修其身廣樂成教以

治乎民及樂之教行而民知向道

德者性之端也樂者則可以觀君子之德矣○鄉去聲

德之華也金石絲竹樂之器也詩言其志也歌咏其聲也舞動其容也三者本於心然後樂器從之是故情深而文明氣盛而化神和順積中而英華發外惟樂不可

以為偽

石梁王氏曰註以志聲容三者為本非也德有心為本性又德之本然後詩歌舞三者出焉○

劉氏曰性之端和順積中者也德之華英華發外者也三者謂志也聲也容也志則端之初發者聲容則華之既見者志動而形於詩詩成而咏歌其聲咏歌之不足則不知手舞足蹈而動其容焉三者皆本於心之感物而動然後被之八音之器以及干戚羽旄也情之感於中者深則文之著於外者明如天地之氣盛於內則化之及於物者神妙不測也故曰和順積中而英華發外也由是觀之則樂之為樂可以矯偽為之乎樂者

心之動也聲者樂之象也文采節奏聲之飾也君子動其本樂其象然後治其飾是故先鼓以警戒三步以見方再始以著往復亂以飭歸奮疾而不拔極幽而不隱獨樂其志不厭其道備舉其道不私其欲是故情見而義立樂終而德尊君子以好善小人以聽過故曰生民

之道樂為大焉

動其本心之動也心動而有聲聲出而有文采節奏則樂飾矣樂之將作必先

擊鼓以聳動衆聽故曰先鼓以警戒舞之將作必先舉足以示其舞之方法故曰三步以見方再始謂一節終而再作也往進也亂終也如云闕雖之亂歸舞畢而退就位也再始以著往者再擊鼓以明其進也復亂以

飭歸者復擊鐃以謹其退也此兩句言舞者周旋進退之事拔如拔來赴往之拔言舞之容雖若奮迅疾速而不過於疾也樂之道雖曰幽微難知而不隱於人也是故君子以之為已則和而平故獨樂其志不厭其道言學而不厭也以之為人則愛而公故備舉其道不私其欲言誨人不倦也情見於樂之初而見其義之立化成於樂之終而知其德之尊君子聽之而好善感發其良心也小人聽之而知過蕩滌其邪穢也故曰以下亦引古語結之此章諸家皆以為論大武之樂以明伐紂之事且以再始為十一年觀兵十三年伐紂此誤久矣愚謂此特通論樂與舞之理如此耳故曰生民之道樂為大焉豈可以生民之道莫大於戰伐哉○見音現拔蒲末切好

樂也者施也禮也者報也樂樂其所自生禮反

其所自始樂章德禮報情反始也

文蔚問如何是章德朱子曰和順積諸中

英華發於外便是章著其內之德。○馬氏曰樂由陽采陽散其文而以生育為功故樂主於施禮由陰作陰斂其質而以反朴為事故禮主於報舜生於紹堯而施及於天下故作大韶武王生於武功而施及於天下故作大武此樂其所自生也萬物本乎天故先王以郊明天之道人本乎祖故王者禘其祖之所自出此反其所自始也。○應氏曰樂有發達動盪之和宣播而出於外一出而不可反故曰施禮有交際酬答之文反復而還於內故曰報韶。夏武皆章德而導和祭享朝聘皆報情而反始所謂反者有收斂之節也。○施去聲樂其樂音洛

所謂大輅者天子之車也龍旂九旒天子之旌也青

黑緣者天子之寶龜也從之以牛羊之羣則所以贈諸

侯也

天子賜車則上公及同姓侯伯金輅異姓則象輅四衛則革輅蕃國則木輅受於天子則總謂之大



輅也龍旂九旒亦上公侯伯則七旒子男則五旒也寶龜則以青黑為之緣飾牛羊非一故稱羣此明報禮之事○石梁王氏曰此八句專言禮與上下文不相承當是他篇之錯簡○緣去聲 樂也者情之

不可變者也禮也者理之不可易者也樂統同禮辨異

禮樂之說管乎人情矣

劉氏曰人情感物無常固多變然既發於聲音而為樂則其哀

樂一定而不可變矣事理隨時有異固多易也然既著之節文而為禮則其威儀一定而不可易矣惟其不可變故使人伏能思初安能惟始和順道德而純然罔間所謂統同也惟其不可易故使人親疎有序貴賤有等謹審節文而截然不亂所謂辨異也窮本知變樂之情此禮樂之說所以管攝乎人情也

也著誠去偽禮之經也禮樂負天地之情達神明之德

降興上下之神而凝是精粗之體領父子君臣之節

朱子

曰傾依象也。○劉氏曰人情理同而氣異同則本一異則變多樂以統同故可使人窮其本之同而知其變之異人情理微而欲危微則誠隱危則偽生禮以辨異故可使人去其欲之偽而著其理之誠也窮本知變者感通之自然故曰情著誠去偽者修為之當然故曰經。○愚謂禮樂之作道與器未始相離故曰凝是精粗之體也。○去上聲傾音負離去聲是故大人舉禮樂則天地將為昭焉天

地訢合陰陽相得煦嫗覆育萬物然後草木茂區萌達

羽翼奮角觫生蟄蟲昭蘇羽者嫗伏毛者孕鬻胎生者

不殯而卵生者不殯則樂之道歸焉耳

大人舉禮樂言聖人在天子之

位而制禮作樂也。天地將為昭焉，言將以禮樂而昭宣  
天地化育之道也。訢與欣同。訢，合和氣之交感，即陰陽  
相得之妙也。天以氣煦之地，以形嫗之。天煦覆而地嫗  
育，是煦嫗覆育萬物也。屈生曰：勾謂勾曲而生者也。角  
之無鰓者曰鰓，鰓謂角外皮之滑澤者，蟄藏之蟲初出  
如暗而得明如死而更生，故曰昭蘇也。嫗伏體伏而生  
子也。孕鬻妊孕而育子也。殯未及生而胎敗也。殯裂也。  
凡物皆得自生自育而無所害者是皆歸於聖人禮樂  
參贊之道耳。○訢音欣，煦吁句切。嫗於句切，覆去聲。  
區音勾，鰓音格，伏扶又切。鬻音育，殯音漬，殯吁闐切。樂

者非謂黃鍾大呂弦歌干揚也。樂之末節也。故童者舞  
之，鋪筵席陳尊俎列籩豆以升降為禮者，禮之末節也。  
故有司掌之，樂師辨乎聲詩，故北面而弦；宗祝辨乎宗

廟之禮故後尸商祝辨乎喪禮故後主人是故德成而  
上藝成而下行成而先事成而後是故先王有上有下  
有先有後然後可以有制於天下也

禮樂之事有道有器前經皆言禮樂

之道此以器言謂道之精者非習藝習事者所能知也  
干揚皆舞者所執商祝習知殷禮者殷尚質喪禮以質  
為主故兼用殷禮也北面位之卑也宗廟之敬在尸喪  
禮之哀在主人尸與主人之後其輕可知也德行在  
君尸主人童子有司習於藝宗祝商祝習於事故上下  
先後之序如此○石梁王氏曰德成而上註云德三德  
也漢儒訓解每以三德為德○行去聲魏文侯問於子夏曰吾端冕而聽

古樂則唯恐卧聽鄭衛之音則不知倦敢問古樂之如

彼何也新樂之如此何也子夏對曰今夫古樂進旅退

旅和正以廣弦匏笙簧會守拊鼓始奏以文復亂以武

治亂以相訊疾以雅君子於是語於是道古脩身及家

平均天下此古樂之發也

厭之故惟恐卧好之故不知倦如彼外之也如此內之也

旅衆也或進或退衆皆齊一無參差也和正以廣無姦聲也弦匏笙簧之器雖多必會合相守待擊拊鼓然後

作也文謂鼓也武謂金鐃也樂之始奏先擊鼓故云始奏以文亂者卒章之節欲退之時擊金鐃而終故云復

亂以武相即拊也所以輔相於樂治亂而使之理故云治亂以相也訊亦治也雅亦樂器也過而失節謂之疾

奏此雅器以治舞者之疾故云訊疾以雅也於此而語樂是道古樂之正也知古樂而明脩身之道則家齊國

治而天下平矣。○方氏曰：鼓聲為陽，故謂之文；鈇聲為陰，故謂之武。平言無上下之偏，均言無遠近之異。○相去聲。今夫新樂進俯退俯，姦聲以濫，溺而不止，及優侏儻

獫狁，子女不知父子，樂終不可以語，不可以道古。此新

樂之發也。

進俯退俯，謂俯僂曲折行，列雜亂也。姦聲，以濫即前章所謂滌濫之音，謂姦邪之聲，侵濫

不正也。溺而不止，即前章所謂狄成之音，謂其聲沉淫之久也。及，俳優雜戲侏儻短小之人，如獼猴之狀。間，雜於男子婦人之中，不復知有父子尊卑之等，作樂雖終無可言者。況可與之言，古道乎？獫狁與獽同。○儻，儒同。獫乃刀切，行音杭，間去聲。復扶又切。今君之所問者，樂也。所好者，音也。夫

樂者與音相近而不同。文侯曰：敢問何如？子夏對曰：夫

古者天地順而四時當民有德而五穀昌疾疢不作而  
無妖祥此之謂大當然後聖人作為父子君臣以為紀  
綱紀綱既正天下大定天下大定然後正六律和五聲  
弦歌詩頌此之謂德音德音之謂樂詩云莫其德音其  
德克明克明克類克長克君王此大邦克順克俾俾于  
文王其德靡悔既受帝祉施于孫子此之謂也

四時當謂不失

其序也妖祥祥亦妖也書言毫有祥大當大化之均調也作為父子君臣以為紀綱是一句讀言聖人立父子君臣之禮為三綱六紀之目也綱維綱大繩紀附綱小繩綱目則附於紀也三綱謂君為臣綱父為子綱夫為

妻綱也六紀謂諸父有善諸舅有義族人  
有敘昆弟有親師長有尊朋友有舊也  
先序之以禮乃可和之以樂故然後有  
正六律以下之事周子曰古者聖王制  
禮法脩教化三綱正九疇敘百姓大  
和萬物咸若乃作樂以宣八風之氣  
以平天下之情意蓋本此詩大雅皇  
矣之篇莫靜也德音名譽也俾當依  
詩作比子夏引詩以證德音之說  
○嚴氏曰王季雖無心於干譽然其  
德明而類長而君順而比自不可掩  
類者明之克君者長之推比者順之  
積克明謂知此理克類謂觸類而通  
一理混融徹上徹下也君又尊於長  
學記言能為長然後能為君是也以  
之君臨大邦則克順而能和其民克  
比而能親其民順言不擾比則驩然  
相愛矣比及文王其德無有可悔從  
容中道無毫髮之慊也言王季之德  
傳于文王而益盛故能受天之福而  
延于子孫也○當去聲疾丑办切莫  
音默王去聲俾讀為比皮义切社音  
恥施音異長上聲比去聲從七容切  
中去聲今君之



所好者其溺音乎文侯曰敢問溺音何從出也子夏對

曰鄭音好濫淫志宋音燕女溺志衛音趨數煩志齊音

教辟喬志此四者皆淫於色而害於德是以祭祀弗用

也溺音淫溺之音也濫者泛濫之義謂泛及非已之色也燕者晏安之意謂耽於娛樂而不反也趨數迫促

而疾速也教辟倨肆而偏邪也四者皆以志言淫溺較深煩驕較淺然皆以害德故不可用之宗廟○趨音促

數音速教去聲詩云肅雝和鳴先祖是聽夫肅肅敬也

雝雝和也夫敬以和何事不行

詩周頌有瞽之篇因上文言溺音害德祭祀弗

用故引之為人君者謹其所好惡而已矣君好之則臣為之

上行之則民從之詩云誘民孔易此之謂也

德音之正  
溺音之邪

皆易以感人故人君不可不謹所好惡也詩  
大雅板之篇誘詩作牖。好惡易並去聲

然後聖人

作為鞀鼓控楬燹簾此六者德音之音也然後鐘磬竽

瑟以和之干戚旄狄以舞之此所以祭先王之廟也所

以獻酬醕酢也所以官序貴賤各得其宜也所以示後

世有尊卑長幼之序也

鞀如鼓而小持柄搖之旁耳自  
擊控楬祝敵也燹六孔燒土為

之簾大者長尺四寸小者尺二寸竹也六者皆質素之  
聲故云德音既用質素為本然後用鐘磬竽瑟四者華  
美之音以贊其和干楬也戚斧也武舞所執旄旌牛尾  
也狄翟雉羽也文舞所執此則宗廟之樂也醕說見前

篇有事於宗廟則有獻酬酢之禮也宗廟朝廷無非  
禮樂之用所以貴賤之官序長幼之尊卑自今日而垂  
之後世也。控音腔坊本音控又音空揭鐘聲鏗鏗以  
丘八切熏音宣坊本音宣簾音池長上聲

立號號以立橫橫以立武君子聽鐘聲則思武臣

有聲然

號令之象也號令欲其威嚴橫則盛氣之充滿也令嚴  
氣壯立武之道故君子聽之而思武臣。橫古曠切

石磬磬磬以立辨辨以致死君子聽磬聲則思死封疆

之臣

舊說磬讀為磬上聲謂其聲音磬磬然所以為辨  
別之意死生之際非明辨於義而剛介如石者不

能決封疆之臣致守於彼此之限而能致死於患難之  
中故君子聞聲而知所思也。磬上聲別必列切難去

聲絲聲哀哀以立廉廉以立志君子聽琴瑟之聲則思

志義之臣

人之處心雖當放逸之時而忽聞哀怨之聲亦必為之惻然而收斂是哀能立廉也絲聲

淒切有廉劇裁割之義人有廉隅則志不誘於欲士無故不去琴瑟有以也夫竹聲濫濫以立

會會以聚衆君子聽竽笙簫管之聲則思畜聚之臣

舊說

濫為擘聚之義故可以會可以衆畜聚之臣謂節用愛人容民畜衆者非謂聚斂之臣也○劉氏曰竹聲汎濫

汎則廣及於衆而衆必歸之故以立會聚而君子聞竹聲則思容民畜衆之臣也○濫上聲畜敕六切擘覽同

斂去鼓聲之聲謹謹以立動動以進衆君子聽鼓聲之

聲則思將帥之臣君子之聽音非聽其鏗鏘而已也彼

亦有所合之也

謹謂謹囂也其聲諠雜使人心意動作故能進發其衆前言武臣泛言之也此

專指將帥而言蓋師以鼓進而進之權在主將也彼謂樂聲也合之契合於心也○應氏曰八音舉其五而不

言匏土木者匏聲短滯土聲重濁木聲樸質而無輕清悠颺之韻然木以擊鼓而匏亦在竽笙之中矣

牟賈侍坐於孔子孔子與之言及樂曰夫武之備戒之

已久何也對曰病不得其衆也

賓牟姓賈名孔子問大武之樂先擊鼓備戒已

久乃始作舞何也賈答言武王伐紂之時憂病不得士衆之心故先鳴鼓以戒衆久乃出戰今欲象此故令舞

者久而後出也咏歎之淫液之何也對曰恐不逮事也

此亦孔子問而

賈答也咏歎長聲而歎也淫液聲音之連延流液不絕之貌逮及也言武王恐諸侯後至者不及戰事故長歌

以致其望發揚蹈厲之已蚤何也對曰及時事也

問初舞時

即手足發揚蹈地而猛厲何其太蚤乎賈言象武王及時伐紂之事故不可緩然下文孔子言是太公之志則此答武坐致右憲左何也對曰非武坐也

武坐跪也問舞武樂之人何

故忽有時而跪以右膝至地而左足仰之何也憲讀為軒輕之軒賈言非武人坐舞法無坐也然下文孔子言武亂皆坐是周召之治則武舞有聲淫及商何也對曰坐此答亦非也○憲音軒召音邵

非武音也子曰若非武音則何音也對曰有司失其傳也若非有司失其傳則武王之志荒矣子曰唯丘之聞

諸莢弘亦若吾子之言

句是也

淫貪欲之意也武樂之中有貪商之聲則是武

王貪欲紂之天下故取之也賈言非武樂之聲也孔子又問既非武樂之聲則是何樂聲乎賈又言此曲樂之

官失其相傳之說也。若非失其所傳之真，而謂武王實有心於取商，則是武王之志有荒繆矣。豈精明神武應天順人之志哉？孔子於是然其言，而謂其言與萇宏相似也。一說商聲為殺伐之聲，淫謂商聲之長也。若是武樂之音，則是武王有嗜殺之心矣。故云志荒也。○唯上聲。賓牟賈起免席而請曰：夫

武之備戒之已久，則既聞命矣，敢問遲之遲而又久，何

也？子曰：居吾語汝。夫樂者，象成者也。總干而山立，武王

之事也。發揚蹈厲，太公之志也。武亂皆坐，周召之治也。

免席避席也。備戒已久，所謂遲也。久立於綴，是遲而又久也。孔子言作樂者，倣象其成功，故將舞之時，舞人總持干盾如山之立，巍然不動，此象武王持盾以待諸侯之至。故曰武王之事也。所以發揚蹈厲，象太公威武，鷹

揚之志也亂樂之卒章也上章言復亂以武言武舞將終而坐象周公召公文德之治蓋以文而止武也○語去聲且夫武始而北出再成而滅商三成而南四成而南

國是疆五成而分周公左召公右六成復綴以崇天子

成者曲之一終書云簫韶九成孔子又言武之舞也初自南第一位而北至第二位故云始而北出也此是一成再成則舞者從第二位至第三位象滅商也三成則舞者從第三位至第四位極於北而反乎南象克殷而南還也四成則舞者從北頭第一位却至第二位象伐紂之後疆理南方之國也五成則舞者從第二位至第三位乃分為左右象周公居左召公居右也綴謂南頭之初位也六成則舞者從第三位而復于南之初位樂至六成而復初位象武功成而歸鎬京四海皆崇武王為天子矣○陳氏曰樂終而德尊也○召音邵綴音拙



同夾振之而駟伐盛威於中國也

此又申言武始北出以下事二人夾舞者

而振鐸以為節則舞者以戈矛四次擊刺象伐紂也駟讀為四伐如泰誓四伐五伐之伐此象武王之兵所以盛威於中國也一說引君執干戚就舞位讀天子連下句但舊註以崇訓充則未可通耳四伐或象四方征伐武勝殷而滅國者五十則亦有東征西討南征北伐之事矣

分夾而進事蚤濟也久

立於綴以待諸侯之至也

分部分也舞者各有部分而振鐸者夾之而進也濟猶成

也此於武王之事為早成也舞者久立於行綴之位象武王待諸侯之集也○分去聲行音杭

且女獨

未聞牧野之語乎武王克殷反商未及下車而封黃帝

之後於薊封帝堯之後於祝封帝舜之後於陳下車而

封夏后氏之後於杞投殷之後於宋封王子比干之墓

釋箕子之囚使之行商容而復其位庶民弛政庶士倍

祿

反讀為及言牧野克殷師之後即至紂都也殷後不曰封而曰投者舉而徙置之辭也然封微子於宋在

成王時此特歷敘黃帝堯舜禹湯之次而言之耳其曰未及下車而封與下車而封先後之辭讀者不以辭害

意可也行商容即書所謂式商容閭也弛政解散紂之虐政也一說謂罷其征役倍祿祿薄者倍增之也○女

音汝反音及行去聲

濟河而西馬散之華山之陽而弗復乘牛散

之桃林之野而弗復服車甲衅而箴之府庫而弗復用

倒載干戈包之以虎皮將帥之士使為諸侯名之曰建

橐然後天下知武王之不復用兵也

鮮與釁同以血塗之也凡兵器之載

出則刃向前入則刃向後今載還鎬京而刃向後有似於倒故云倒載也建讀為鍵鎖也橐韜兵器之具兵器

皆以鍵橐閉藏之示不用也封將帥為諸侯賞其功也今詳文理名之曰建橐一句當在虎皮之下將帥之上

○復扶又切衅許靳切散軍而郊射左射狸首右射騶

將去聲建上聲橐音高

虞而貫革之射息也裨冕搢笏而虎賁之士說劍也祀

乎明堂而民知孝朝觀然後諸侯知所以臣耕藉然後

諸侯知所以敬五者天下之大教也

散軍放散軍伍也郊射習射於郊學

之中也左東學也在東郊東學之射歌狸首之詩以為節右西學在西郊西學之射則歌騶虞之詩以為節也

貫穿也革甲鎧也軍中不習禮其射但主於穿札今既行禮射則此射止而不為矣裨冕見曾子問摺插也說

劍解去其佩劍也○左射右射射音石說音脫朝音潮

食三老五更於大學天子

袒而割牲執醬而饋執爵而酌冕而總干所以教諸侯

之弟也若此則周道四達禮樂交通則夫武之遲久不

亦宜乎

冕而總干謂首戴冕而手執干盾也餘說各見前篇孔子語賓牟賈武樂之詳其言止此○食

音嗣更平聲大音泰弟音悌

君子曰禮樂不可斯須去身致樂以治

心則易直子諒之心油然而生矣易直子諒之心生則樂

樂則安安則久久則天天則神天則不言而信神則不

怒而威致樂以治心者也

致謂研窮其理也樂由中出故以治心言之子諒從朱子

說讀為慈良樂之感化人心至於天而且神可以識窮本知變之妙矣○朱子曰易直子諒之心一句從來說得無理會却因見韓詩外傳子諒作慈良字則無可疑矣○易去聲則樂樂則之樂音洛致禮以治

躬則莊敬莊敬則嚴威心中斯須不和不樂而鄙詐之

心入之矣外貌斯須不莊不敬而易慢之心入之矣禮自

外作故以治躬言之此言著誠去偽之心不可少有間斷○樂音洛易去聲故樂也者動於

內者也禮也者動於外者也樂極和禮極順內和而外

順則民瞻其顏色而弗與爭也望其容貌而民不生易

慢焉故德輝動於內而民莫不承聽理發諸外而民莫

不承順故曰致禮樂之道舉而錯之天下無難矣

動於內則

能治心矣動於外則能治躬矣極和極順則無斯須之

不和不順矣所以感人動物其效如此德以輝言乃英

華發外之驗理發諸外是動容周旋之中禮君子極致

禮樂之道其於治天下乎何有○易去聲錯音措中去

平聲治樂也者動於內者也禮也者動於外者也故禮主

其減樂主其盈禮減而進以進為文樂盈而反以反為

文禮減而不進則銷樂盈而不反則放故禮有報而樂

有反禮得其報則樂樂得其反則安禮之報樂之反其

義一也

馬氏曰以體言之禮減樂盈以用言之禮進樂

心之所喜禮動於外故其體主減蓋禮自外作而疑先  
王有以強世也禮主減故勉而作之以進為文樂主  
盈故反而抑之而以反為文故七介以相見不然則已  
慤三辭三讓而至不然則已感一獻之禮而賓主百拜  
日莫人倦而齊莊正齊此皆勉而進之者也進旅退旅  
以示其和弦匏笙簧會守拊鼓以示其統治亂則以相  
訊疾則以雅作之以祝止之以敵此皆反而抑之者也  
減而不進則幾於息矣故銷盈而不反則至於流矣故  
放先王知其易偏故禮則有報樂則有反禮有報者資  
於樂也樂有反者資於禮也○劉氏曰禮之儀動於外  
必謙卑退讓以自牧故主於減殺樂之德動於中必和  
順充積而後形故主於盈盛蓋樂由陽來故盈禮自陰  
作故減也然禮之體雖主於退讓而其用則貴乎行之  
以和故以進為文也樂之體雖主於充盛而其用則貴

乎抑之以節故以反為文也禮若過於退讓而不進則威儀銷沮必有禮勝則離之失樂過於盛滿而不反則意氣放肆必有樂勝則流之弊故禮必有和以為減之報報者相濟之意也樂必有節以為盈之反反者知止之謂也禮減而得其和以相濟則從容欣愛而樂矣此樂以和禮也樂盈而得其節以知止則優柔平中而安矣此禮以節樂也禮樂相須並用而一歸於無過無不及之中而合其事理之宜故曰禮之報樂之反其義一也○報如字則樂樂音洛強上聲莫音暮齊莊齊音齊易殺並去聲從七容切夫樂者樂也人情之所不能免也樂必發於聲音形於動靜人之道也聲音動靜性術之變盡於此矣故人不耐無樂樂不耐無形形而不為道不耐無亂先王恥其亂故制雅頌之



聲以道之使其聲足樂而不流使其文足論而不息使其曲直繁瘠廉肉節奏足以感動人之善心而已矣不

使放心邪氣得接焉是先王立樂之方也

方氏曰聲足樂者樂其道

文足論者論其理也道所以制用而有節故雖樂而不至於流理所以明義而無窮故可論而不至於息曲者聲之柔若絲是也直者聲之剛若金是也繁者聲之雜若笙是也瘠者聲之純若磬是也廉者聲之清若羽是也肉者聲之濁若宮是也節者聲之制若徵是也奏者聲之作若合是也○劉氏曰人情有所樂而發於詠歌詠歌之不足而不知手舞足蹈則性情之變盡於此矣故人情不能無樂樂於中者不能不形於外而為歌舞形於歌舞而不為文辭以道之於禮義則必流於荒亂矣先王恥其然故制為雅頌之聲詩以道迪之使其聲

音足以為娛樂而不至於流放使其文理足以為講明而不至於怠息使其樂律之清濁高下或宛轉而曲或徑出而直或豐而繁或殺而瘠或稜隅而廉或圓滑而肉或止而節或作而奏皆足以感發人之善心而不使放肆之心邪僻之氣得接於吾身焉是乃先王立樂之方法也○樂者立樂樂如字餘音洛耐音能道論並去聲肉而救切徵上聲殺去聲是故樂在宗廟之中君臣上下同聽之

則莫不和敬在族長鄉里之中長幼同聽之則莫不和順在閨門之內父子兄弟同聽之則莫不和親故樂者審一以定和比物以飾節節奏合以成文所以合和父子君臣附親萬民也是先王立樂之方也

應氏曰一者心也心一而

所應者不一守一以凝定其和雜比以顯飾其節及其  
成文可以合和至親至嚴之倫附親其至疎至衆者蓋  
樂發於吾心而感於人心無二理也○劉氏曰作樂之  
道先審人聲之所形或風或雅或頌或喜或敬或愛各  
從一體以定其調度之和然後比之樂器之物以飾  
其節奏此一條言樂以和禮也○長上聲比音避故

聽其雅頌之聲志意得廣焉執其干戚習其俯仰詘伸  
容貌得莊焉行其綴兆要其節奏行列得正焉進退得  
齊焉故樂者天地之命中和之紀人情之所不能免也  
天地之教命中和之統紀所以防範人心者在是曰夫  
莊曰正曰齊曰紀皆言禮之節樂○要平聲行音杭夫  
樂者先王之所以飾喜也軍旅鈇鉞者先王之所以飾

怒也故先王之喜怒皆得其濟焉喜則天下和之怒則

暴亂者畏之先王之道禮樂可謂盛矣

皆得其濟言各從其類喜非私

喜怒非私怒也。○濟音柴

子贛見師乙而問焉曰賜聞聲歌各有宜

也如賜者宜何歌也師乙曰乙賤工也何足以問所宜

請誦其所聞而吾子自執焉寬而靜柔而正者宜歌頌

廣大而靜疏達而信者宜歌大雅恭儉而好禮者宜歌

小雅正直而靜廉而謙者宜歌風肆直而慈愛者宜歌

商溫良而能斷者宜歌齊夫歌者直己而陳德也動已

而天地應焉四時和焉星辰理焉萬物育焉

子贛孔子弟子端木

賜也樂師名乙各有宜言取詩之興趣以理其情性使合於宜也有此德而宜此歌是正直已身而敷陳其德也故曰直已而陳德動已性天之流行也動天地感鬼神莫近於詩故有四者之應。方氏曰肆寬大而舒緩也商者剛決故性之柔緩者宜歌之而變其柔為剛斷齊音柔緩故性剛決者宜歌之而終至於柔遜蓋各濟其所偏而融會之於平和之地也。故商者五帝之遺好去聲斷丁玩切應去聲興去聲

聲也商人識之故謂之商齊者三代之遺聲也齊人識之故謂之齊明乎商之音者臨事而屢斷明乎齊之音者見利而讓臨事而屢斷勇也見利而讓義也有勇有

義非歌孰能保此

保猶安也言安於勇安於義而不移也○疏曰宋是商後此商人謂宋人

也○識音志下同斷丁玩切下同

故歌者上如抗下如隊曲如折止如

槩木倨中矩句中鉤纍纍乎端如貫珠故歌之為言也

長言之也說之故言之言之不足故長言之長言之不

足故嗟嘆之嗟嘆之不足故不知手之舞之足之蹈之

也子貢問樂

上如抗下如隊言歌聲之高者如抗舉其下者如墜墮也槩木枯木也倨微曲也句

甚曲也端正也長言之所謂歌永言也○朱子曰看樂記大段形容得樂之氣象當時許多名物度數人人曉得不須說出故止說樂之理如此其妙今許多度數都沒了只有許多樂之意思是好只是沒頓放處又曰今

禮樂之書皆亡學者但言其義至於器數則不復曉蓋失其本矣。隊音墜中去聲說音悅思去聲

## 雜記上第二十

諸侯行而死於館則其復如於其國如於道則升其乘

車之左轂以其綏復

館謂主國有司所授館舍也復招魂復魄也如於其國其禮如在本

國也道路也乘車其所自乘之車也在家則升屋之東榮車向南則左在東也綏讀為綏旌旗之旒也去其旒而用之耳凡五等諸侯之復人數視命數其轎有袞緇今轂上狹止容一人。乘去聲綏而追切

布裳帷素錦以為屋而行

轎載柩之車上覆飾也轎象宮室舊說轎用染赤色以舊

而名袞者轎之四旁所垂下者緇布裳帷者轎下棺外用緇色之布為裳帷以圍繞棺也素錦以為屋者用素

錦為小帳如屋以覆棺之上設此飾乃行  
也○輶猶並音倩襖尺占切覆芳又切至於廟門不

毀牆遂入適所殯唯輶為說於廟門外  
也○廟門殯宮之門

拆去裳帷也所殯在兩楹間脫輶於門外者既入宮大  
室則不必象宮之輶也故脫之○說音脫下節同

夫士死於道則升其乘車之左轂以其綏復如於館死

則其復如於家大夫以布為輶而行至於家而說輶載

以輶車入自門至於阼階下而說車舉自阼階升適所

殯  
布輶以白布為輶也輶讀為輶音與船同說文有輶  
曰輪無輶曰輶有輶者別用木以為輶也無輶者合

大木為之也大夫初死及至家皆用輶車載之今至家  
而脫去輶則惟尸在輶車上耳故云載以輶車凡死於



外者尸入自門升自阼階柩則入自闕升自西階周禮  
殯則於西階之上惟死於外者殯當兩楹之中蓋不忍  
遠之也。○士轉葦席以為屋蒲席以為裳帷士卑故質略如此

凡訃於其君曰君之臣某死父母妻長子曰君之臣某  
之某死君訃於他國之君曰寡君不祿敢告於執事夫  
人曰寡小君不祿太子之喪曰寡君之適子某死君與夫人

訃不曰薨而曰不祿告他國謙辭也敢告於執事者凶事不敢直指君身也○長上聲大音泰適音的下節同

大夫訃於同國適者曰某不祿訃於士亦曰某不祿訃  
於他國之君曰君之外臣寡大夫某死訃於適者曰吾

子之外私寡大夫某不祿使某實訃於士亦曰吾子之

外私寡大夫某不祿使某實

適者謂同國大夫位命相敵者外私在他國而私有

恩好者也實讀為至言為訃而至此也○適並音敵實音至好為並去聲

士訃於同國大夫

曰某死訃於士亦曰某死訃於他國之君曰君之外臣

某死訃於大夫曰吾子之外私某死訃於士亦曰吾子

之外私某死

士卑故其辭降於大夫

大夫次於公館以終喪士練

而歸士次於公館大夫居廬士居堊室

此言君喪則大夫居喪之次在

公館之中終喪乃得還家若邑宰之士至小祥得還其所治之邑其朝廷之士亦留次公館以待終喪廬在中

門外東壁倚木為之故云倚廬堊室在中門外屋下壘  
堊為之不塗堊。○劉氏曰鄭云居堊室亦謂邑宰也朝  
士亦居廬蓋斬衰之喪居廬既練居堊室  
朝士大夫皆斬衰未練時皆當居廬也  
大夫為其父

母兄弟之未為大夫者之喪服如士服

石梁王氏曰父母喪自天子達

周人重爵施於尊親乃異其服非也周公制禮時忍其弊未至此。○為其為去聲下二節倣此士為其

父母兄弟之為大夫者之喪服如士服大夫之適子服

大夫之服

大夫適子雖未為士亦得服大夫之服則為士而服大夫服可知矣今此所言士是大夫

之庶子為士者也庶子卑故不敢服尊者之服所以止如士服也孟子言齊疏之服自天子達而此經之文若

此蓋大夫喪禮亡不得聞其說之詳矣

大夫之庶子為大夫則為其父母

服大夫服其位與未為大夫者齒

大夫庶子若為大夫可以大夫之喪服喪

其親然其行位之處則與適子之未為大夫者相齒列○疏曰此庶子雖為大夫其年雖長於適子猶在適子

下使適子為主也

士之子為大夫則其父母弗能主也使其子

主之無子則為之置後

石梁王氏曰此最無義理充其說則是子爵高父母遂不能子

之舜可臣瞽瞍皆齊東野人語也○下為去聲

大夫卜宅與葬日有司麻衣布

衰布帶因喪屨緇布冠不蕤占者皮弁

卜宅卜葬地也有司治卜事之

人也麻衣白布深衣也布衰者以三升半布為衰長六寸廣四寸就綴於深衣前當胃之上布帶以布為帶也因喪屨因喪服之繩屨也蕤與緇同古者緇布冠無緇後代加蕤故此明言之也有司為卜故用半吉半凶之

服占者卜龜之人也尊於有司故皮弁其服彌吉也皮弁者於天子則為視朝之服諸侯大夫士則為視朔之服也○衰音如筮則史練冠長衣以筮占者朝服筮史催筮而追切也

也練冠縞冠也長衣與深衣制同而以素為純緣占者審卦爻吉凶之人也朝服卑於皮弁服以筮輕於卜也

○朝音潮純音准緣去聲大夫之喪既薦馬薦馬者哭踊出乃包奠

而讀書至祖廟設遷祖之奠訖乃薦馬至日側祖奠之

時又薦馬明日設遣奠時又薦馬此言既薦馬謂遣奠

時也馬至則車將行故孝子感之而哭踊包奠者取遣

奠牲之下體包裹而置於遣車以送死者馬至在包奠

之前而云出乃包奠者明包奠為出之節也讀書者既

夕云書贈於方版也謂書贈奠賻贈之人名與其物於版柩將行主人之史於柩東西面而讀之此明大夫

之禮與士同。大夫之喪，大宗人相，小宗人命龜，卜人作。

龜，命大宗人、小宗人，即大宗伯、小宗伯也。相佐助禮儀也。命龜告龜以所卜之事也。作龜，鑽灼之也。○劉氏曰：

大宗人，或是都宗人、小宗人，或是復諸侯以褒衣冕服。家宗人，掌都家之禮者。○相去聲。

爵弁服，復解見前。褒衣者，始命為諸侯之衣，及朝覲時，天子所加賜之衣也。冕服者，上公自衮冕而下，

備五冕之服。侯伯自鷩冕而下，其服四子男自毳冕而下，其服三諸侯之服也。兼用褒衣及冕服爵弁之服也。

夫人稅衣，揄狄狄稅素沙。此言夫人始死，所以復之衣也。稅衣，色黑而緣以纁。揄，

與揄同。揄狄，色青。江淮而南，青質而五色，皆備成文章。曰狄，狄當為翟，雉名也。此服蓋畫翟之形，以為文章。

因名也。狄稅素沙，言自揄翟至稅衣，皆用素沙為裏。即今之白絹也。○按內司服六服者：褙衣、揄狄、闕狄、鞠衣。

展衣祿衣也。○儀禮註云王之服九而祭服六后之服六而祭服三王之服衣裳之色異后之服連衣裳而其色同以婦人之德本末純一故也王之服禪而無裏后之服裏而不禪以陽成於奇陰成於偶故也。○稅讀為緣音豕揄音搖內子以鞠衣褻衣素沙下大夫以禮衣

其餘如士復西上

蓋內子卿之適妻也其服用鞠衣此衣

衣褻衣也亦以素沙為裏下大夫謂下大夫之妻也禮作展其餘如士者謂士妻之復用祿衣內子與下大夫之妻復亦兼用祿衣也復西上者復之人數多寡各如其命數若上公九命則復者九人以下三命則用三人北面則西在左左為陽冀其復生故尚左也尊者立於左。○禮之彥切大夫不揄絞屬

於池下

此言大夫喪車之飾揄翟雉也絞青黃之繒也池織竹為之形如籠衣以青布若諸侯以上則

畫掄翟於絞而屬於池之下大夫降於人君故大夫附  
不掄絞屬於池下也○掄音搖絞音爻屬音燭

於士士不附於大夫附於大夫之昆弟無昆弟則從其

昭穆雖王父母在亦然

附讀為附祖為士孫為大夫而死可以附祭於祖之為士者故

曰大夫祔於士若祖為大夫孫為士而死不可祔祭於  
祖之為大夫者惟得祔祭於大夫之兄弟為士者故曰

士不祔於大夫祔於大夫之昆弟若祖之兄弟無為士  
者則從其昭穆謂祔於高祖之為士者若高祖亦是

夫則祔於高祖昆弟之為士者也雖王父母在亦然者  
謂孫死應合祔於祖今祖尚存無可祔亦是祔於高祖

也小記云中一以婦附於其夫之所附之妃無妃則亦  
上而祔與此義同

從其昭穆之妃妾附於妾祖姑無妾祖姑則亦從其昭



穆之妾

夫所祔之妃夫之祖母也昭穆之妃亦謂間一代而祔高祖之妃也矣亦然

男子附

於王父則配女子附於王母則不配

男子死而祔祖者其祝辭云以某妃

配某氏是并祭王母也未嫁之女及嫁未三月而死歸葬女氏之黨者其祔於祖母者惟得祭祖母不祭王父

也故云祔於王母則不配蓋不言以某妃配某氏耳

公

子附於公子

疏曰若公子之祖為君公子不敢附之祔於祖之兄弟為公子者不敢戚君故也

君薨太子號稱子待猶君也

君在稱世子君薨則稱子踰年乃得稱君也僖九年

傳云凡在喪王曰小童公侯曰子待猶君者謂與諸侯並列供待之禮猶如正君也○大音泰傳去聲

有

三年之練冠則以大功之麻易之唯杖屨不易

大功之服為殤

者凡九條其長殤皆九月中殤皆七月皆降服也又有降服者六條正服者五條正服不降者三條義服者二條皆九月詳見儀禮此章言居三年之喪至練時首經已除故云有三年之練冠也當此時忽遭大功之喪若是降服則其哀七升與降服齊哀莫後之服同故以此大功之麻經易去練服之葛經也惟杖屨不易者言大功無杖無可改易而三年之練與大功初喪同是繩屨耳。為去聲長上聲

有父母之喪尚

功哀而附兄弟之殤則練冠附句於殤稱陽童某甫不

名神也

此三年喪練後之哀升數與大功同故云功哀也此言居父母之喪猶尚身著功哀而小功兄弟

之殤又當祔祭則仍用練冠而行禮不改服也祝辭稱陽童者庶子之殤祭於室之白處故曰陽童宗子為殤則祭於室之奧故稱陰童童者未成人之稱也今按已是曾祖之適與小功兄弟同曾祖其死者及其父皆庶

人不得立祖廟故曾祖之適孫為之立壇而祔之若已  
是祖之適孫則大功兄弟之殤得祔祖廟其小功兄弟  
之殤則祖之兄弟之後也今以練冠而祔謂小功及總  
麻之殤耳若正服大功則變練冠矣某甫者為之立字  
而稱之蓋尊而神之則不可以名呼之凡異居始聞兄  
也○哀音催著八聲適音的為去聲

弟之喪唯以哭對可也其始麻散帶經

兄弟異居而計至唯以哭對其

來計之人以哀傷之情重不暇他言也其帶經之麻始皆散垂謂大功以上之兄弟至三日而後絞之也小功以下不散垂  
○散上聲 未服麻而奔喪及主人之未成經也疏者

與主人皆成之親者終其麻帶經之日數

若聞計未及服麻而即奔

喪者以道路既近聞死即來此時主人未行小斂故未成經小功以下謂之疏疏者值主人成服之節則與主

人皆成之大功以上謂之親親者奔喪而至之時雖值主人成服已必自終竟其散麻帶經之日數而後成服也  
主妾之喪則自祔至於練祥皆使其子主之其殯祭

不於正室

女君死而妾攝女君此妾死則君主其喪其祔祭亦君自主若練與大祥之祭則其子主

之殯祭不於正室者雖嘗攝女君猶降於正適故殯君與祭不得在正室也不攝女君之妾君則不主其喪

不撫僕妾

死而君不撫其尸者略於賤也

女君死則妾為女君之黨服

攝女君則不為先女君之黨服

女君死而妾猶服其黨是徒從之禮也妾攝女

君則不服以攝位稍尊也○為去聲

聞兄弟之喪大功以上見喪者之鄉

而哭

奔喪禮云齊衰望鄉而哭大功望門而哭此言大功以上謂降服大功者也凡喪服降服重於正服

○上聲適兄弟之送葬者弗及遇主人於道則遂之於墓

適往也往送兄弟之葬而不及當送之時乃遇主人葬畢而反則此送者不可隨主人反哭必自至墓所而後

反也○凡主兄弟之喪雖疏亦虞之小功總麻疏服之兄弟也彼無親者

適如字主之而已主其喪則當為之畢虞祔之祭也凡喪服未畢有弔者則為位而

哭拜踊疏曰不以殺禮而待新弔之賓也言凡者五服悉然○殺去聲大夫之哭大夫

弁經大夫與殯亦弁經大夫之喪既成服而大夫往弔則身著錫衰首加弁經弁經者

如爵弁而素加以環經也若與其殯事是未成服之時也首亦弁經但身不錫衰耳不錫衰則皮弁服也○與

去聲大夫有私喪之葛則於其兄弟之輕喪則弁經私喪妻子

之喪也卒哭以葛代麻於此時而遭兄弟之喪雖緦麻之輕亦用弔服弁經而往不以私喪之末臨兄弟也大

夫降旁親於緦麻兄弟無服。疏曰若已成

為長子杖

則其子不以杖即位

其子長子之子也祖不厭孫此長子之子亦得杖但與祖同處不得

以杖獨居已位耳。為去聲長上聲厭入聲處上聲

為妻父母在不杖不稽顙

謂此

適子妻死而父母俱存故其禮如此然大夫主適婦之喪故其夫不杖若父没母存母不主喪則子可以杖但不稽顙耳此并言之讀者不以辭害意

母在不稽顙稽

顙者其贈也拜

贈謂人以物來贈已助喪事也母在不稽顙惟拜謝此贈物之人則可以稽

顙故云稽顙者其贈也拜一說贈謂以物送別死者即既夕禮所云贈用制幣也

違諸侯之大

夫不反服違大夫之諸侯不反服

違去也已本是國君之臣今去國君而往

為他國大夫之臣是自尊適卑若舊君死已不反服以仕於卑臣不可反服於前之尊君也本是大夫之臣今去而仕為諸侯之臣是自卑適尊若反服卑君則為新君之恥矣故亦不反服若新君與舊君等乃為舊君服也

喪冠條屬以別吉凶三年之練冠亦條屬右縫小功

以下左

喪冠以一條繩屈而屬於冠以為冠之武而垂下為纓故云喪冠條屬屬猶著也言著於冠也

是纓與武共此一繩若吉冠則纓與武各一物玉藻云縞冠玄武之類是也吉凶之制不同故云別吉凶也三年練冠小祥之冠也其條屬亦然吉冠則禡縫向左左為陽吉也凶冠則禡縫向左右右為陰凶也小功總麻之服輕故禡縫向左而同於吉○

縞冠縹纓大功以上散屬音燭下同別必列切著入聲

帶

總服之縷其麤細與朝服十五升之布同而縷數則半之治其縷不治其布冠與衰同是此布也但為縷

之布則加以灰漂治之耳故曰總冠綠縷綠讀為漂大功以上服重初死麻帶散垂至成服乃絞小功以下初

死即絞也。○綠音朝服十五升去其半而總加灰句錫

也。朝服精細全用十五升布為之去其半則七升半布也。用為總服總云者以其縷之細如絲也。若以此布

而加灰以漂治之則謂之錫所謂弔服之錫衰也。錫者滑易之貌。總服不加灰治也。朝服一千二百縷終幅總

之縷細與朝服同但其布終幅止六百縷而疎故儀禮云有事其縷無事其布曰總。○朝音潮去上聲易去聲

諸侯相祿以後路與冕服先路與襃衣不以祿。後路貳車也貳

車在後故曰後路。冕服上冕之後次冕也。上公以鷩冕為次。侯伯以毳冕為次。子男以絺冕為次。先路正路也。



喪衣說見前章相襚不可用已之遣車視牢具疏布韋  
正車服者以彼不用之以為正也

四面有章置于四隅載張有子曰非禮也喪奠脯醢而

已遣車說見檀弓視牢具者天子太牢包九箇則遣車  
九乘諸侯太牢包七箇則七乘大夫亦太牢包五箇

則五乘天子之上士三命少牢包三箇則三乘也諸侯  
之士無遣車遣車之上以麋布為韋韋蓋也四面有物

以鄣蔽之章與鄣同之四角也張米糧也遣奠  
之饌無黍稷故有子以載張為非禮牲體則脯醢之義

也○遣章並去聲祭稱孝子孝孫喪稱哀子哀孫端哀  
張音張乘去聲

喪車皆無等祭吉祭也卒哭以後為吉祭故祝辭稱孝  
子或孝孫自虞以前為凶祭故稱哀端正

也端哀喪服上衣也吉時玄端服身與袂同以二尺二  
寸為正喪衣亦如之而綴六寸之哀於冑前故曰端哀

也喪車孝子所乘惡車也此二大白冠緇布之冠皆不  
者皆無貴賤之差等○哀音催

黻委武玄縞而后黻

大白冠太古之白布冠也緇布冠  
黑布冠也此二冠無飾故皆不黻

然王藻云緇布冠續緹是諸侯之冠則此不緹者謂大  
夫士也委武皆冠之下卷秦人呼卷為委齊人呼卷為  
武玄玄冠也縞縞冠也玄縞二冠既別有冠卷則必有  
黻故云委武玄縞而后黻也○大音泰坊本如字卷上

聲

大夫冕而祭於公弁而祭於已士弁而祭於公冠而

祭於已士弁而親迎然則士弁而祭於已可也

冕絺冕也祭於

公助君之祭也弁爵弁也祭於已自祭於廟也冠玄冠  
也助祭為尊自祭為卑故冠服有異也儀禮少牢上大

夫自祭用玄冠此云弁而祭於已者此大夫指孤而言  
也記者以士之親迎用弁以為可以弁而祭於已然親

迎之弁暫焉攝用耳祭有常禮不可紊也。○迎去聲少去聲

暢曰以掬杵以梧柝以

桑長三尺或曰五尺畢用桑長三尺刊其柄與末

暢鬱也

掬柏也。擣鬱鬯者以柏木為臼。梧木為杵。柏香芳而梧潔白。故用之。牲體在鑊用柝升之以入鼎。又以柝自鼎

載之入俎。主人舉肉之時執事者則以畢助之舉。此二器吉祭以棘木為之。喪祭則用桑木。畢之柄與末加刊

削柝亦然也。○掬音

率帶諸侯大夫皆五采士二采

率與絳同死者著衣畢而加此帶謂之絳者但緝帛邊而熨殺之不用箴線也以五采飾之士喪禮緇帶此二

采天子之士也。○率醴者稻醴也。甕甒筭衡實見閒而音律著八聲殺去聲

后折入此言葬時所藏之物。稻醴以稻米為醴也。甕甒皆瓦器甕盛醢醢甒盛醴酒筭竹器以盛黍稷

衡讀為折以木為之所以度舉甕甗之屬也見棺衣也  
言此甕甗實衡實於見之外椁之內而后折入者折形  
如牀而無足木為之直者三橫者五窆事畢而後加之  
壙土以承抗席也○甗音武甗思交切衡音杭見音諫  
閒平聲重既虞而埋之重說見檀弓虞祭畢埋於凡婦  
咸平聲

人從其夫之爵位

治婦人喪事皆以夫爵位尊卑為等降無異禮也

小斂大斂

啟皆辯拜

禮當大斂小斂及啟攢之時君來弔則輟事而出拜之若他賓客至則不輟事待事畢乃

即堂下之位而徧拜之故特舉此三節言之若士於大夫當事而大夫至則亦出拜之也○斂去聲下並同辯

音徧朝夕哭不惟無柩者不惟

朝夕之間孝子欲見殯故哭則寒舉其惟哭畢仍垂

下之無柩謂葬後也神主祔廟之後還在室無事於堂故不復施惟

君若載而后弔之則

主人東面而拜門右北面而踊出待反而后奠

此謂君來弔臣

之喪而柩已朝廟畢載在柩車君既弔位在車之東則主人在車西東面而拜門右祖廟門之西偏也自內出則右在西孝子既拜君從位而立故於門內西偏北面而哭踊為禮也踊畢先出門以待拜送不敢必君之久留也君命之反還喪所即設奠以告死者使知君之來弔也一說此謂在廟載柩車之時奠謂反設祖奠子

羔之襲也繭衣裳與稅衣纁衽為一素端一皮弁一爵

弁一玄冕一曾子曰不襲婦服

子羔孔子弟子高柴也襲以衣斂尸也繭衣裳

謂衣裳相連而綿為之著也稅衣黑色纁絳色帛衽裳下緣也繭衣襲故用祿衣為表合為一稱故云繭衣裳與稅衣纁衽為一素端一第二稱也賀氏云衣裳並用素為之皮弁一第三稱也皮弁之服布衣而素裳爵弁

一第四稱也其服玄衣而纁裳玄冕一第五稱也其服亦玄衣纁裳衣無文而裳刺黼大夫之上服也婦服指纁衽而言曾子非之以其不合於禮也○稅音象衽而占切著上聲緣去聲稱去聲刺音戚為君使

而死公館復私館不復公館者公宮與公所為也私館

者自卿大夫以下之家也

說見曾子問○使去聲

公七踊大夫五

踊婦人居閒士三踊婦人皆居閒

國君五日而殯自死至大斂凡七次踊者

始死一也明日襲二也襲之明日之朝三也又明日之朝四也其日既小斂五也小斂明日之朝六也明日大

斂時七也大夫三日而殯凡五次踊者始死一也明日襲之朝二也明日之朝及小斂四也小斂之明日大斂

五也士二日而殯凡三次踊者始死一也小斂時二也大斂時三也凡踊男子先踊踊畢而婦人乃踊婦人踊

畢賓乃踊是婦人居主人與賓之中間故云居間也然  
記者固云動尸舉柩哭踊無數而此乃有三五七之限  
者此以禮經之常節言彼以哀心之泛感言也又公襲  
所謂無數者不以每踊三跳九跳為三踊之限也

卷衣一玄端一朝服一素積一纁裳一爵弁二玄冕一

褻衣一朱綠帶申加大帶之上

早者以早服親身如子羔之襲是也公貴者故

上服親身褻衣最外尊顯之也褻衣上公之服也玄端  
玄衣朱裳齊服也天子以為燕服士以為祭服大夫士  
以為私朝之服朝服緇衣素裳公日視朝之服也素積  
皮弁之服諸侯視朝之服也纁裳冕服之裳也爵弁二  
者玄衣纁裳二通也以其為始命所受之服故特用二  
通示重本也玄冕見上章褻衣者君所加賜之衣最在  
上榮君賜也諸侯襲尸用小帶以為結束此帶則素為  
之而飾以朱綠之采也申重也已用革帶又重加大帶

象生時所服大帶也此帶即上章所云率帶諸侯大夫皆五采士二采者是也○卷音衮朝音潮齊音齋重平聲

小斂環經公大夫士一也

疏曰環經一股而纏也親始死孝子去冠至小斂不

可無飾士素委貌大夫以上素弁而貴賤悉得加於環經故云公大夫士一也○去上聲公視大斂

公升商祝鋪席乃斂

君臨臣喪而視其大斂商祝習知殷禮者專主斂事主人雖先已鋪

席布紋紵等物聞君將至悉徹去之待君至升堂商祝乃始鋪席為斂事蓋榮君之至而舉其禮也魯人

之贈也三玄二纁廣尺長終幅

贈以物送別死者於梓中也既夕禮曰贈用制

幣玄纁束一丈八尺為制今魯人雖用玄與纁而短狹如此則非禮矣故記者譏之幅之度二尺二寸○廣長

並去聲弔者即位于門西東面其介在其東南北面西上



西於門主孤西面相者受命曰孤某使某請事客曰寡君使某如何不淑相者入告出曰孤某須矣弔者入主人升堂西面弔者升自西階東面致命曰寡君聞君之

喪寡君使某如何不淑子拜稽顙弔者降反位

此言列國遣使

弔喪之禮弔者君所遣來之使也介副也門西主國大門之西也西上者介非一人其長者在西近正使也西於門不敢當門之中也主孤西面立於阼階之下也相者受命相禮者受主人之命也如何不淑慰問之辭言何為而罹此凶禍也須待也凶禮不出迎故云須矣主人升堂由阼階而升也降反位降階而出復門外之位也曲禮云升降不由阼階謂平常無弔賓時耳○石梁王氏曰此一段頗詳可補諸侯喪禮之缺○相去聲下

並同使  
去聲

含者執璧將命曰寡君使某含相者入告出曰

孤某須矣含者入升堂致命子拜稽顙含者坐委于殯

東南有葦席既葬蒲席降出反位宰夫朝服即喪屨升

自西階西面坐取璧降自西階以東

此言列國致含之禮含玉之形制如

璧舊註云分寸大小未聞坐委跪而致之也未葬之前設葦席以承之既葬則設蒲席承之鄰國有遠近故有  
葬後來致含者降出反位謂含者委璧訖降階而復門  
外之位也上文弔者為正使此含者乃其介耳凡初遭  
喪則主人不親受使大夫受於殯宮此遭喪已久故嗣  
子親受之然後宰夫取而藏之也朝服吉服也執玉不  
麻故著朝服以在喪不可純變吉故仍其喪屨坐取璧  
亦跪而取之也以東藏於內也疏云宰謂上卿夫字衍

○合去聲  
著八聲

禭者曰寡君使某禭相者入告出曰孤某須

矣禭者執冕服左執領右執要入升堂致命曰寡君使

某禭子拜稽顙委衣于殯東禭者降受爵弁服於門內

雷將命子拜稽顙如初受皮弁服於中庭自西階受朝

服自堂受玄端將命子拜稽顙皆如初禭者降出反位

宰夫五人舉以東降自西階其舉亦西面

此言列國致  
禭之禮衣服

曰禭委于殯東即委璧之席上也左執領則領向南此  
禭者既致冕服訖復降而出取爵弁服以進至門之內  
雷而將命子拜如初者如受冕服之禮也受訖禭者又  
出取皮弁服及朝服及玄端服每服進受之禮皆如初

但受之之所不同耳致五服皆畢禭者乃降出反位而宰夫五人各舉一服以東而其舉之也亦如禭者之西面焉。要平聲朝音潮 上介賁執圭將命曰寡君使某賁相者入

告反命曰孤須矣陳乘黃大路於中庭北轡執圭將命客使自下由路西子拜稽顙坐委于殯東南隅宰舉以

東

此言列國致賁之禮車馬曰賁乘黃四黃馬也太路車也北轡車之轡轅北向也客使上介所役使之入

也為客所使故曰客使自率也下謂馬也由在也路即大路也陳車北轡畢賁者執圭升堂致命而客之從者率馬設在車之西也車亦此從者設之子拜之後賁客即跪而置其圭於殯東南隅之席上而宰舉之以東而藏於內也又按覲禮車在西統於賓也既夕禮車以西為上者為死者而設於鬼神之位也此賁禮車馬為助

主人送葬而設統於主人故車在東也。○陸氏曰孤須  
矣從此盡篇末皆無某字有者非。○賙芳鳳切乘去聲  
從去聲 凡將命鄉殯將命子拜稽顙西面而坐委之宰舉

璧與圭宰夫舉襚升自西階西面坐取之降自西階凡將

命者總言上文弔含襚賙將命之禮也鄉殯者立于殯  
之西南而面東北以向殯也將命之時子拜稽顙畢客  
即西向跪而委其所執之物其含璧與圭則宰舉之襚  
衣則宰夫舉之而其舉也皆自西階升而西面以跪而  
取之乃自西階以賙者出反位于門外此句當屬於前  
降也。○鄉去聲 章上介賙云云  
宰舉以東之上客臨曰寡君有宗廟之事不得承事使  
下。○屬音燭

一介老某相執紼相者反命曰孤須矣臨者入門右介

者皆從之立于其左東上宗人納賓升受命于君降曰  
孤敢辭吾子之辱請吾子之復位客對曰寡君命某毋  
敢視賓客敢辭宗人反命曰孤敢固辭吾子之辱請吾  
子之復位客對曰寡君命某毋敢視賓客敢固辭宗人  
反命曰孤敢固辭吾子之辱請吾子之復位客對曰寡  
君命使臣某毋敢視賓客是以敢固辭固辭不獲命敢  
不敬從客立于門西介立于門左東上孤降自阼階拜  
之升哭與客拾踊三客出送于門外拜稽顙

上客即前  
章所云弔

者蓋鄰國來弔之正使也弔含襚贈皆畢自行臨哭之  
禮若聘禮之有私覲然蓋私禮爾主人入門而右客入  
門而左禮也今此客入門之右是不敢以賓禮自居也  
宗人掌禮之官欲納此弔賓先受納賓之命於主國嗣  
君然後降而請於客使之復門左之賓位也宗人以客  
答之辭入告於君而反命于客如是者三客乃自稱使  
臣而從其命於是立于門西之賓位主君自阼階降而  
拜之主客俱升堂哭而更踊者三所謂成踊也客出送  
而拜之謝其勞辱也○臨如字相  
去聲縛音弗使去聲拾其刼刼  
弔言卿大夫以下有君喪而又有親喪則不敢受他國賓客之弔尊君故也其國有君喪不敢受

小臣鋪席商祝鋪絞紼衾士盥于盤北舉遷尸于斂上

卒斂宰告于馮之踊夫人東面坐馮之興踊

此是喪大記君大斂

章文重出在此說見本章。絞音久紼其鳩切馮音憑

士喪有與天子同者三其

終夜燎及乘人專道而行

終夜燎謂遷柩之夜須光明達旦也乘人使人執引也專

道柩行於路人皆避之也

雜記下第二十一

有父之喪如未沒喪而母死其除父之喪也服其除服

卒事反喪服

沒猶終也除也父喪在小祥後大祥前是未沒父喪也又遭母喪則當除父喪之時

自服除喪之服以行大祥之禮此禮事畢即服喪母之服若母喪未葬而值父之二祥則不得服祥服者以祥

祭為吉未葬為凶不忍於凶時雖諸父昆弟之喪如當行吉禮也。○父喪喪母喪去聲



父母之喪其除諸父昆弟之喪也皆服其除喪之服卒

事反喪服

諸父昆弟之喪自始死至除服皆在父母服內輕重雖殊而除喪之服不廢者篤親愛之

義也若遭君喪則不得自除私服曾子問言之矣

如三年之喪則既顙其練祥

皆行

前喪後喪俱是三年之服其後喪既受葛之後得為前喪行練祥之禮也既顙者既虞受服之時以

葛經易要之麻經也顙草名無葛之鄉以顙代○顙大迴切要平聲

王父死未練祥而孫

又死猶是附於王父也

孫之祔祖禮所必然故祖死雖未練祥而孫又死亦必祔於祖

有殯聞外喪哭之他室入奠卒奠出改服即位如始即

位之禮

有殯謂父母喪未葬也外喪兄弟之喪在遠者也哭不於殯宮而於他室明非哭殯也入奠者

哭之明日之朝著已本喪之服入奠殯宮奠畢而出乃  
脫已本喪服著新死者未成服之服而即昨日他室所  
哭之位如始即位之禮者謂今日之即  
哭位如昨日始聞喪而即位之禮也 大夫士將與祭

於公既視濯而父母死則猶是與祭也次於異宮既祭  
釋服出公門外哭而歸其他如奔喪之禮如未視濯則

使人告告者反而后哭

視濯監視器用之滌濯也猶是與祭者猶是在吉禮之中不得

不與祭但居次於異宮耳以吉凶不可同處也如未視濯而父母死則使人告於君侯告者反而後哭父母也

○與去聲下如諸父昆弟姊妹之喪則既宿則與祭  
節同監平聲

卒事出公門釋服而后歸其他如奔喪之禮如同宮則

次于異宮

既宿謂祭前三日將致祭之時既受宿戒必與公家之祭以期以下之喪服輕故也如同

宮則次於異宮者謂此死者是已同宮之人則既宿之後出次異宮亦以吉凶不可同處也鄭氏曰古者昆

弟異居同財有東宮有西宮有南宮有北宮

曾子問曰卿大夫將為尸於公

受宿矣而有齊哀內喪則如之何孔子曰出舍乎公宮

以待事禮也孔子曰尸弁冕而出卿大夫士皆下之尸

必式必有前驅

說見曾子問篇

父母之喪將祭而昆弟死既殯

而祭如同宮則雖臣妾葬而后祭

將祭將行小祥或大祥之祭也適有兄弟

之喪則待殯訖乃祭然此死者乃是異宮之兄弟耳若是同宮則雖臣妾之卑賤亦必待葬後乃祭以吉凶不

可相干也故喪服傳云有死於宮中者則為之三月不舉祭。傳為並去聲。祭主人之升降

散等執事者亦散等雖虞附亦然。散粟也等階也吉祭則涉級聚足喪祭則

栗階二祥之祭吉禮宜涉級聚足而栗階者以有兄弟之喪故略威儀也燕禮云栗階不過二等蓋始升猶聚足連步至二等則左右足各一發而升堂也雖虞祔亦然者謂主人至昆弟虞祔時而行父母祥祭則與執事者亦皆散等。自諸侯達諸士小祥之祭主人之酢也齊也。與去聲。

之衆賓兄弟則皆啐之大祥主人啐之衆賓兄弟皆飲

之可也。至齒為齊入口為啐主人之酢齊之謂正祭之後主人獻賓長賓長酢主人主人受酢則齊之

也衆賓兄弟啐之謂祭未受獻之時則凡侍祭喪者告啐之也。○齊才細切啐七內切長上聲。

賓祭薦而不食

侍祭喪謂相喪祭禮之人也薦謂脯醢也相禮者但告賓祭此脯醢而已賓不

食之也若吉祭賓祭畢則食之此亦謂練祥之祭主人獻賓賓受獻主人設薦時也虞祔無獻賓之禮子

貢問喪子曰敬為上哀次之瘠為下顏色稱其情戚容

稱其服

問喪問居父母之喪也附於身附於棺者皆欲其必誠必信故曰敬為上子游言喪致乎哀而

止先儒謂而止二字微有過於高遠而簡略細微之弊此言哀次之可見矣毀瘠不形不勝喪乃比於不慈不孝故曰瘠為下也齊斬之服固有重輕稱其情稱其服則中於禮矣。稱並去聲勝平聲中去聲請問

兄弟之喪子曰兄弟之喪則存乎書策矣

存乎書策者言依禮經所

載而行之非若父母之喪哀容體狀之不可名言而經不能備言也

君子不奪人之喪亦

不可奪喪也

君子不奪廢他人居喪之情而君子居喪之情亦不可為他事所奪廢要使各得盡

其禮耳。疏曰不奪人喪恕也不奪已喪孝也。為去聲要平聲

孔子曰少連大連善

居喪三日不怠三月不解期悲哀三年憂東夷之子也

少連見論語三日親始死時也不怠謂哀痛之切雖不食而能自力以致其禮也三月親喪在殯時也解與懈同倦也或讀如本字謂寢不脫經帶也憂謂憂戚憔悴。少去聲解音懈期音基 三年之喪言

而不語對而不問廬堊室之中不與人坐焉在堊室之

中非時見乎母也不入門

言自言已事也語為人論說也倚廬及堊室說見前篇時

見乎母謂有事行禮之時而入見母也非此則不入中門。見音現為論並去聲

疏哀皆居堊

室不廬廬嚴者也

疏哀齊哀也齊哀有三年者有期者有三月者凡喪次斬哀居倚廬齊哀

居聖室大功有帷帳小功緦麻有牀第廬嚴者謂倚廬乃哀敬嚴肅之所服輕者不得居○疏平聲妻視

叔父母姑姊妹視兄弟長中下殤視成人等各有此

殤服皆降而哀之如成人以本親重故也○長上聲親喪外除兄弟之喪內除鄭氏

曰外除日月已竟而哀未忘內除日月未竟而哀已殺○殺去聲視君之母與君之妻

比之兄弟發諸顏色者亦不飲食也君母君妻小君也服輕哀之比兄弟

之喪然於酒肴之珍醇可以發見顏色者亦不飲之食之也○見音現免喪之外行於道

路見似目瞿聞名心瞿弔死而問疾顏色戚容必有以

異於人也如此而后可以服三年之喪其餘則直道而

行之是也

見人貌有類其親者則目為之瞿然驚變聞人所稱名與吾親同則心為之瞿然驚變喪

服雖除而餘哀未忘故於弔死問疾之時戚容有加異於無憂之人也如此而後可以服三年之喪言其哀心誠實無偽也其餘服輕者直道而行則祥主人之除也

於夕為期朝服祥因其故服

祥大祥也。疏曰祥祭之時主人除服之節於夕為

期謂於祥祭前夕預告明日祭期也朝服謂主人著朝服緇衣素裳其冠則緇冠也祥因其故服者謂明旦祥

祭時主人因著其前夕故朝服也又曰此據諸侯卿大夫言之從祥至吉凡服有六祥祭朝服緇冠一也祥訖

也素縞麻衣二也禫祭玄冠黃裳三也禫訖朝服綬冠四也踰月吉祭玄冠朝服五也既祭玄端而居六也。陸



氏曰縵息康反黑經白緯  
曰縵。朝音潮著入聲。

子游曰既祥雖不當縞者必

縞然後反服

疏曰既祥謂大祥後有來弔者雖不當縞謂不正當祥祭縞冠之時也必縞然後反

服者主人必須著此祥服縞冠以受弔者之禮然後反服大祥後素縞麻衣之服也當袒大夫至

雖當踊絕踊而拜之反改成踊乃襲於士既事成踊襲

而后拜之不改成踊

疏曰此明士有喪大夫及士來弔之禮士有喪當袒之時而大夫來

弔蓋斂竟時也雖當主人踊時必絕止其踊而出拜此大夫反還也改更也拜竟而反還先位更為踊而始成踊尊大夫之來新其事也乃襲者踊畢乃襲初袒之衣也於士既事成踊襲者既猶畢也若當主人有大小斂諸事而士來弔則主人畢事而成踊踊畢而襲襲畢乃拜之拜之而止不更為之成踊也。更平聲上大

夫之虞也少牢卒哭成事附皆大牢下大夫之虞也植

牲卒哭成事附皆少牢

卒哭謂之成事成吉事也附祔廟也。少去聲大音泰植音特

祝稱卜葬虞子孫曰哀夫曰乃兄弟曰某卜葬其兄

弟曰伯子某

初虞即葬之日故并言葬虞子卜葬父則祝辭云哀子某卜葬其父某甫孫則云哀

孫某卜葬其祖某甫夫則云乃某卜葬其妻某氏乃者助語之辭妻卑故爾若弟為兄則云某卜葬兄伯子某

兄為弟則云某卜葬其弟某。并為並去聲

古者貴賤皆杖叔孫武叔朝見

輪人以其杖闕轂而輟輪者於是有爵而後杖也

輪人作車

輪之人也闕穿也輟迴也謂以其哀服之杖穿於車轂中而迴轉其輪鄙褻甚矣自後無爵者不得杖此記庶

人廢禮之由也。朝音潮。輟胡罪切。

鑿巾以飯公羊賈為之也。

飯舍也。大夫以上貴。

使賓為其親含。恐尸為賓所憎穢。故以巾覆尸面。而當口處鑿穿之。令含玉得以入口。士賤不得使賓子自含。無憎穢之心。故不以巾覆面。公羊賈士也。而鑿以飯。是憎穢其親矣。此記士失禮之所由也。飯上聲。含去聲。章內並同為冒者何也。所以掩形也。自襲以至小斂。不覆並去聲。

設冒則形是以襲而后設冒也。

冒說見王制。襲沐浴後以衣衣尸也。則形者言

尸雖已著衣。若不設冒。則尸象形見為人所惡。是以襲而設冒也。后字衍。下衣去聲。著入聲。見為惡並去聲。

或問於曾子曰。夫既遣而包其餘。猶既食而裹其餘。與

君子既食則裹其餘乎。曾子曰。吾子不見大饗乎。夫大

饗既饗卷三牲之俎歸于賓館父母而賓客之所以為

哀也子不見大饗乎

設遣奠訖即以牲體之餘包裹而置之遣車以納于壙中或人疑此

禮謂如君子食於他人家食畢而又包其餘以歸豈不傷廉乎曾子告以大饗之禮畢卷俎內三牲之肉送歸

賓之館中猶此意耳父母家之主今死將葬而孝子以賓客之禮待之此所以悲哀之至也重言以喻之○夫

平聲遣去聲與平聲卷上聲重平聲非為人喪問與賜與此上有闕文言非為其有喪而

問遺之歟賜予之歟問敵者之禮賜尊上三年之喪以

其喪拜非三年之喪以吉拜

拜問拜賜拜賓皆拜也喪拜稽顙而后拜也吉拜拜

而后稽顙也今按檀弓鄭註以拜而后稽顙為殷之喪拜稽顙而后拜為周之喪拜疏云鄭知此者以孔子所

論每以二代對言故云三年之喪吾從其至者但殷之喪拜自斬衰至緦麻皆拜而后稽顙以其質故也周制則杖期以上皆先稽顙而后拜不杖期以下乃作殷之喪拜此章疏義與檀弓疏互看乃得其詳

三年

之喪如或遺之酒肉則受之必三辭主人哀經而受之

如君命則不敢辭受而薦之喪者不遺人人遺之雖酒

肉受也從父昆弟以下既卒哭遺人可也

喪大記云既葬君食之則

食之大夫父之友食之則食之此云哀經而受雖受而不食也薦之者尊君之賜喪者不遺人以哀戚中不當行禮於人也卒哭可以遺人服輕哀殺故也○石梁王氏曰居喪有酒肉之遺必疾者也○遺從並去聲君食

友食食音飼

縣子曰三年之喪如斬期之喪如刻

刻削也此言哀痛淺

深之殊。音玄期音墓縣

三年之喪雖功衰不弔自諸侯達諸士如

有服而將往哭之則服其服而往

疏曰小祥後哀與大功同故曰功衰如有

五服之親喪而往哭不著已之功衰而依彼親之節以服之也不弔與往哭二者貴賤皆同之

期之喪

十一月而練十三月而祥十五月而禫練則弔

鄭氏曰凡齊衰

十一月皆可以出弔又曰此為父在為母。為母為去聲

既葬大功旬弔哭而退不

聽事焉

既葬大功者言已有大功之喪已葬也弔哭而退謂往弔他人之喪則弔哭既畢即退去不待

與主人襲斂等事也。與去聲

期之喪未葬弔於鄉人哭而退不聽事

焉功衰弔待事不執事

儀禮喪服傳姑姊妹適人無主者姪與兄弟為之齊衰不杖期

此言期之喪正謂此也雖未葬亦可出弔但哭而退不聽事也此喪既葬受以大功之哀謂之功哀此後弔於人不可以待主人襲斂等小功總執事不與於禮執事謂事但不親自執其事耳禮饋奠也輕服可以為人擯相擯相事輕故也相趨也饋奠之禮重故不與。與去聲相去聲為去聲

出宮而退相揖也哀次而退相問也既封而退相見也

反哭而退朋友虞附而退

此言弔喪之禮恩義有厚薄故去留有遲速相趨者古人

以趨示敬論語過之必趨左傳免胄趨風之類是也言此弔者與主人昔嘗有相趨之敬故來弔喪以情輕故柩出廟之宮門即退去也相揖者已嘗相會相識故待柩之大門外之哀次而退也相問遺者是有往來恩義故待窆畢而退嘗執贄行相見之禮者情又加重故待孝子反哭於家乃退朋友恩義更重故待虞祭附祭畢

而後退也。弔非從主人也。四十者執紼鄉人五十者從。  
○封音寔

反哭四十者待盈坎

言弔喪者是為相助凡役非徒隨從主人而已故年四十以下者力

壯皆當執紼同鄉之人五十者始哀之年故隨主人反哭而四十者待土盈壙乃去。○紼音弗

喪食雖

惡必充飢飢而廢事非禮也飽而忘哀亦非禮也視不

明聽不聰行不正不知哀君子病之故有疾飲酒食肉

五十不致毀六十不毀七十飲酒食肉皆為疑死

疑死恐其

死也。為去聲

有服人召之食不往大功以下既葬適人人食

之其黨也食之非其黨弗食也

黨謂族人與親戚也。○人食食音嗣

功哀



食菜果飲水漿無鹽酪不能食食鹽酪可也

功哀斬哀齊哀之末

服也酪說文乳漿也酪音洛下食音嗣

孔子曰身有瘍則浴首有創則沐

病則飲酒食肉毀瘠為病君子弗為也毀而死君子謂

之無子

曲禮曰不勝喪比於不慈不孝是有子與無子同也。瘍音羊創平聲勝平聲

非從柩

與反哭無免於垆

垆道路也道路不可無飾故從柩送葬與葬畢反哭皆著免而行於道路

非此二者則否也然此亦謂葬之近者小記云遠葬者比反哭皆冠及郊而後免也。從去聲免音問

凡

喪小功以上非虞附練祥無沐浴

潔飾所以交神故非此四祭則不沐浴也

上聲疏哀之喪既葬人請見之則見不請見人小功請

見人可也大功不以執摯唯父母之喪不辟涕泣而見

人疏哀齊哀也摯與贊同。辟音避。三年之喪祥而從政期之喪卒哭

而從政九月之喪既葬而從政小功總之喪既殯而從

政從政謂庶人供力役之征也王制云齊衰大功三月不從政庶人依士禮卒哭與葬同三月也。曾申

問於曾子曰哭父母有常聲乎曰中路嬰兒失其母焉

何常聲之有哀痛之極無復音節所謂哭不偯也。偯音倚。卒哭而諱王父母

兄弟世父叔父姑姊妹子與父同諱卒哭以前猶以生禮事之故不諱其

名卒哭後則事以鬼道故諱其名而不稱也此專言父之所諱則子亦不敢不諱故曰子與父同諱也父之祖

父母伯父叔父及姑等於已小功以下本不合諱但以父之所諱已亦從而諱也若父之兄弟及姊妹已自當諱不以從父而諱也又按不逮事父母則不諱母之諱王父母謂庶人此所言以父是士故從而諱也

宮中諱妻之諱不舉諸其側與從祖昆弟同名則諱母

其親諱則子於一宮之中亦為之諱妻為其親諱則夫亦不得稱其辭於妻之左右非宮中非其側則固可稱矣若母與妻所諱者適與已從祖昆弟之名以喪冠者同則雖他所亦諱之也○從去聲為去聲

雖三年之喪可也既冠於次入哭踊三者三乃出而當冠

五服之喪則因成喪服而遂加冠此禮無分服之輕重故曰雖三年之喪可也既冠於居喪之次乃入哭踊凡踊三踊為一節三者三言如此者三次也乃出出就次所也詳見曾子問○冠去聲下節同三者三三去聲加

冠冠大功之末可以冠子可以嫁子父小功之末可以如字

冠子可以嫁子可以取婦已雖小功既卒哭可以冠取

妻下殤之小功則不可

未服之將除也舊說以末為卒哭後然大功卒哭後尚有六月

恐不可言末小功既言末又言卒哭則未非卒哭明矣下言父小功之末則上文大功之末是據已身而言舊

說父及已身俱在大功之末或大功之末恐亦未然下殤之小功自期服而降以本服重故不可冠娶也○取

去凡弁經其哀侈袂

弁經之服弔服也首著素弁而加

哀疑哀也侈大也袂之小父有服宮中子不與於樂母

者二尺二寸此三尺三寸有服聲聞焉不舉樂妻有服不舉樂於其側大功將至

辟琴瑟小功至不絕樂

宮中子與父同宮之子也命士以上乃異宮不與於樂謂在外

見樂不觀不聽也若異宮則否此亦謂服之輕者如重服則子亦有服可與樂乎聲之所聞又加近矣其側則尤近者也輕重之節如此大功將至謂有大功喪服者將來也為之屏退琴瑟亦助之哀戚之意小功者輕故不為之止樂。與去聲聞去聲姑姊妹其夫死而夫黨無聲辟婢亦切為去聲屏上聲

兄弟使夫之族人主喪妻之黨雖親弗主夫若無族矣

則前後家東西家無有則里尹主之或曰主之而附於

夫之黨

此明姑姊妹死而無夫無子者喪必有主婦人於本親降服以其成於外族也故本族不可主

其喪里尹蓋閭胥里宰之屬也或以為妻黨主麻者不之而祔祭於其祖姑此非也故記者并著之

紳執玉不麻麻不加於采

麻謂喪服之經也紳大帶也吉凶異道居喪以經代大帶

也執玉不麻謂著衰經者不得執玉行禮也采玄纁之衣也○疏曰按聘禮已國君薨至於主國衰而出註云

可以凶服將事盖受主君小禮得以凶服若聘享大事則必吉服也國禁哭則止朝夕之

奠即位自因也

國有大祭祀則喪者不敢哭然朝奠夕奠之時自即其阼階下之位而因仍禮

節之故事以行也

童子哭不偯不踊不杖不菲不廬

偯委曲之聲也菲草

屨也廬倚廬也童子為父後者則杖○菲扶味切

孔子曰伯母叔母疏衰踊不

絕地姑姊妹之大功踊絕於地如知此者由文矣哉由

文矣哉

伯叔母之齊衰服重而踊不離地者其情輕也姑姊妹之大功服輕而踊必離地者其情重也

孔子美之言知此絕地不絕地之情者能用禮文矣哉  
○鄭氏曰伯母叔母義也姑姊妹骨肉也○離去聲

泄柳之母死相者由左泄柳死其徒由右相由右相泄

柳之徒為之也

悼公弔有若之喪而子游擯由左則由右相者非禮也此記失禮所自始○相

去天子飯九貝諸侯七大夫五士三

飯含也貝水物古者以為貨士喪禮

貝三實于筭周禮天子飯含用玉此蓋異代之制乎

士三月而葬是月也卒哭大

夫三月而葬五月而卒哭諸侯五月而葬七月而卒哭

士三虞大夫五諸侯七

疏曰大夫以上位尊念親哀情於時長遠士職卑位下禮數未

伸諸侯使人弔其次含禭贈臨皆同日而畢事者也其

次如此也

諸侯薨鄰國遣使來先弔次含次禭次卿大夫

夫疾君問之無算士壹問之君於卿大夫比葬不食肉

比卒哭不舉樂為士比殯不舉樂

喪大記云三問此云無算或恩義如師保

之類乎或三問者君親往而無算者遣使乎士有疾君問之惟一次卑賤也比及也○比音昇為去聲使去聲

升正柩諸侯執紼五百人四紼皆銜枚司馬執鐸左八

人右八人匠人執羽葆御柩大夫之喪其升正柩也執

引者三百人執鐸者左右各四人御柩以茅

升正柩者將葬柩朝

祖廟升西階用軼軸載柩于兩楹閒而正之也柩有四紼枚形似箸兩端有小繩銜于口而繫于頸後則不能



言所以止誼諱也五百人皆用之司馬十六人執鐸分居左右夾柩以號令於衆也藻形如蓋以羽為之御柩者在柩車之前若道塗有低昂傾虧則以所執者為抑揚左右之節使執紼者知之也引即紼互言之耳茅以茅為麾也

○引去聲

孔子曰管仲鏤簋而朱紼旅樹而反坫山節

而藻稅賢大夫也而難為上也

鏤簋簋有雕鏤之飾也紼冕之飾天子朱諸侯

青大夫士緇旅道也樹屏也立屏當所行之路以蔽內外也反坫反爵之坫也土為之在兩楹閒山節刻山於柱頭之斗拱也藻水草藻稅畫藻於梁上之短柱也難為上言僭上也○坫音店稅音拙屏上聲

晏平

仲祀其先人豚肩不揜豆賢大夫也而難為下也君子

上不僭上下不偏下

大夫祭用少牢不合用豚肩在俎不在豆此但喻其極小謂併豚兩

肩亦不能揜豆耳婦人非三年之喪不踰封而弔如三  
難為下言偏下也

年之喪則君夫人歸夫人其歸也以諸侯之弔禮其待

之也若待諸侯然夫人至入自閭門升自側階君在阼

其他如奔喪禮然

三年之喪父母之喪也女嫁者為父  
母期此以本親言也踰封越疆也言

國君夫人奔父母之喪用諸侯弔禮主國待之亦用待  
諸侯之禮闔門非正門宮中往來之門也側階非正階

東房之旁階也此皆異於女賓主國君在阼階上嫂不  
不降迎也奔喪禮謂哭踊擗麻之類○擗側瓜切嫂不

撫叔叔不撫嫂

撫死而撫其尸也嫂叔宜  
遠嫌故皆不撫○遠去聲

君子有三患

未之聞患弗得聞也既聞之患弗得學也既學之患弗

能行也君子有五恥居其位無其言君子恥之有其言

無其行君子恥之既得之而又失之君子恥之地有餘

而民不足君子恥之衆寡均而倍焉君子恥之三患言為學之

君子五恥言為政之君子也居位而無善言之可聞是

不能講明政事一恥也有言無行是言行不相顧二恥

也始以有德而進今以無德而退三恥也不能撫民使

之逃散四恥也國有功役已與彼衆寡相等而彼之功

績倍於己是不能作興率孔子曰凶年則乘駑馬祀以

勵其下五恥也。行去聲

下牲周禮校人六馬曰種馬戎馬齊馬道馬田馬駑馬

駑馬其最下者下牲如常祭用太牢者降用少牢

少牢者降用特牲特豕者降用特豚之類以年凶故貶

損也王制云凡祭豐年不奢凶年不儉與此不同未詳

恤由之喪哀公使孺悲之孔子學士喪禮士喪禮於是

乎書

鄭氏曰時人轉而僭上士之喪禮已廢矣孔子以教孺悲國人乃復書而存之

子貢觀於

蜡孔子曰賜也樂乎對曰一國之人皆若狂賜未知其

樂也子曰百日之蜡一日之澤非爾所知也

蜡祭見郊特牲若狂

言飲酒醉甚也未知其樂言醉無禮儀方且可惡何樂之有孔子言百日勞苦而有此蜡農民終歲勤動今僅使之為一日飲酒之歡是乃人君之恩澤非爾所知言其義大也。蜡音乍樂音洛惡去聲張而不

弛文武弗能也弛而不張文武弗為也一弛一弛文武

之道也

張張絃也弛落絃也孔子以弓喻民謂弓之為器久張而不弛則力必絕久弛而不張則體必

變猶民久勞苦而不休息則其志逸弓必有時而張有時而弛民必有時而勞苦時而息文武弗能言雖文王武王亦不能為治也一於逸樂則不可故言文武弗為孟獻子曰正

月日至可以有事於上帝七月日至可以有事於祖七

月而禘獻子為之也

獻子魯大夫仲孫蔑正月周正建子之月也日至冬至也

郊祭也七月建午之月也日至夏至也有事於祖禘祭也明堂位云季夏六月以禘禮祀周公於太廟蓋夏正

建巳之月郊用冬至禮之當然此言獻子變禮用七月禘祭然不言自獻子始而但言獻子為之蓋一時之事

耳夫人之不命於天子自魯昭公始也

昭公娶吳為同姓不敢告天子

天子亦不命之後遂以為常此記魯失禮之由○疏曰天子命畿外諸侯夫人若畿內諸侯夫人及卿大夫之

妻則玉藻註云天子諸侯命其臣后夫人亦命其妻也  
**外宗為君夫人猶內宗也**

疏曰外宗者謂君之姑姊妹之女及舅之女及從母皆是也內宗者君五屬內之女內宗為君服斬衰為夫人齊衰此云猶內宗也則齊斬皆同君夫人者是國人所稱號此外宗謂嫁在國中者若國外當云諸侯也古者大夫不外娶故君之姑姊妹嫁於國內大夫為妻是其正也諸侯不內娶故舅女及從母不得在國中凡內外宗皆據有爵者其無服而嫁於諸臣從為夫之君者內外宗皆然若嫁於庶人則亦從其夫為國君服齊衰三月者亦內外宗皆然又按儀禮喪服疏云外宗有三周禮外宗之女有爵通鄉大夫之妻一也雜記註謂君之姑姊妹之女舅之女從母皆是二也若姑之子婦從母之子婦其夫是君之外親為君服斬其婦亦名外宗為君服期三也內宗有二周禮內女之有爵謂同姓之女悉是一也雜記註君之五屬之內女二也。為去聲

從去聲 廐焚孔子拜鄉人為火來者拜之士壹大夫再亦

相弔之道也

鄭氏曰宗伯職曰以弔禮哀禍災。為去聲

孔子曰管仲遇盜

取二人馬上以為公臣曰其所與遊辟也可人也管仲

死桓公使為之服宦於大夫者之為之服也自管仲始

也有君命焉爾也

管仲遇羣盜簡取二人而薦進之使為公家之臣且曰為其所與交遊者

是邪僻之人故相誘為盜爾此二人本是堪可之人可任用也其後管仲死桓公使此二人為管仲服記者言

仕於大夫而為之服自此始以君命不可違也蓋於禮違大夫而之諸侯不為大夫反服桓公之意蓋不忘管

仲之舉賢也。上上聲辟音僻為去聲

過而舉君之諱則起與君之諱同

則稱字

過失誤也舉猶稱也起起立也失言不自安故起立示改變之意諸臣之名或與君之諱同則

稱字也

內亂不與焉外患弗辟也

內亂謂本國禍難也言卿大夫在國若同僚中

有謀作亂者力能討則討之力不能討則謹自畏避不得干與其或寇患在外如鄰國來攻或夷狄侵擾則不可逃避當盡力捍禦死義可也。與去聲辟音避難去聲贊大行曰圭公九寸侯伯

七寸子男五寸博三寸厚半寸剡上左右各寸半玉也

藻三采六等

贊大行古禮書篇名也其書必皆贊說大行人之職事今記者引之故云贊大行曰

子男執璧非圭也記者失之博三寸圭也厚半寸圭璧各厚半寸也剡上削殺其上也藉玉者以韋衣板而藻

畫朱白蒼三色為六行故曰藻三采六等也。殺去聲行音杭

哀公問子羔曰子之食



奚當對曰文公之下執事也

問其先人始仕食祿當何君時文公至哀公七君

成廟則釁之其禮祝宗人宰夫雍人皆爵弁純衣雍人拭羊宗人祝之宰夫北面于碑南東上雍人舉羊升屋自中中屋南面割羊血流于前乃降門夾室皆用雞先門而後夾室其衅皆於屋下割雞門當門夾室中室有司皆鄉室而立門則有司當門北面既事宗人告事畢乃皆退反命于君曰釁某廟事畢反命于寢君南鄉于門內朝服既反命乃退

宗廟初成以牲血塗釁之尊神明之居也爵弁士服也純衣玄

衣纁裳也拭羊拭之使淨潔也宗人祝之其辭未聞碑  
麗牲之碑也在廟之中庭升屋自中謂由屋東西之中  
而上也門廟門也夾室東西廂也門與夾室各一雞凡  
三雞也亦升屋而割之衅者未封羊割雞之時先減耳  
旁毛以薦神耳主聽欲神聽之也廟則在廟之屋下門  
與夾室則亦在門與夾室之屋下也門則當門屋之中  
夾室則當夾室屋之中故云門當門夾室中室也有司  
宰夫祝宗人也宗人告事畢告于宰夫也宰夫為攝主  
反命于寢其時君在路寢也○純音潮  
緇封音奎衅音二鄉去聲朝音潮

不覺覺屋者交神明之道也

疏曰考之者謂盛饌以落之庾蔚云落謂與賓客燕

會以酒食澆落之即歡樂之義也

凡宗廟之器其名者成則覺之以貍

豚名者有名之器若尊彝之屬也貍音加

諸侯出夫人夫人比至

于其國以夫人之禮行至以夫人入使者將命曰寡君  
不敏不能從而事社稷宗廟使使臣某敢告於執事主  
人對曰寡君固前辭不教矣寡君敢不敬須以俟命有  
司官陳器皿主人有司亦官受之

出夫人有罪而出之還本國也在道至入

猶以夫人禮者致命其國然後義絕也將命者謙言寡  
君不敏不能從夫人以事宗廟社稷而不斥言夫人之  
罪答言前辭不教謂納采時固嘗以此為辭矣。疏曰  
有司官陳器皿者使者使從已來有司之官陳夫人嫁  
時所齎器皿之屬以還主國也主人有司亦官受之者  
主國亦使有司官領受之也並云官者明付受悉如法  
也。比音昇使者  
使臣使並去聲 妻出夫使人致之曰某不敏不能從

而共粢盛使某也敢告於侍者主人對曰某之子不肖

不敢辟誅敢不敬須以俟命使者退主人拜送之如舅

在則稱舅舅沒則稱兄無兄則稱夫主人之辭曰某之

子不肖如姑姊妹亦皆稱之

遣妻必命由尊者故稱舅稱兄兄謂夫之兄也此但

言夫致之之辭未聞舅與兄致之之辭也上文已有主人對辭下文因姑姊妹故重言對言某之姑不肖或某之姊不肖或某之妹不肖故云亦皆稱之也。共音供使者使去聲辟音避

孔子曰吾食於

少施氏而飽少施氏食我以禮吾祭作而辭曰疏食不

足祭也吾殮作而辭曰疏食也不敢以傷吾子

少施氏魯惠公

子施父之後作而辭起而辭謝也疏食麤疏之食也殮以飲澆飯也禮食竟更作三殮以助飽實不敢以傷吾子者言麤疏之飯不可強食以致傷害也。少納幣一去聲食我疏食食音嗣殮音孫父音甫強上聲

束束五兩兩五尋

此謂昏禮納徵也一束十卷也八尺為尋每五尋為匹從兩端卷至中則

五匹為五箇兩卷矣故曰束五兩。鄭氏曰四十婦見尺謂之匹猶匹偶之匹言古人每匹作兩箇卷子

舅姑兄弟姊妹皆立于堂下西面北上見已見諸

父各就其寢

立于堂下則婦之入也已過其前此即是見之矣不復各特見之也諸父旁尊故明

日各詣其寢而見之。見音現下同復扶又切。

女雖未許嫁年二十而笄禮之

婦人執其禮燕則鬢首

疏曰十五許嫁而笄若未許嫁至二十而笄以成人禮言之婦

人執其禮者十五許嫁而笄則主婦及女賓為笄禮主婦為之著笄女賓以醴禮之未許嫁而笄者則婦人禮之無主婦婦女賓不備儀也燕則髻首者謂既笄之後尋常在家燕居則去其笄而分髮為髻紒也此為未許嫁故雖已笄猶為少者處之。髻音拳著入髻長三尺下聲去上聲少去聲處上聲髻音垂紒音計

廣二尺上廣一尺會去上五寸純以爵常六寸不至下

五寸純以素紉以五采

疏曰髻韞也會領縫也髻旁緣謂之紉下緣曰純紉條也謂以

五采之條置於諸縫之中詳見玉藻。長廣並去聲會音膾紉音毗純音準紉音旬縫緣並去聲

禮記集說卷七

謹案第一頁後八行直則無委曲上據方慤解義  
當有粗則疏而不精厲則危而不安蓋逆其心  
故形於聲者如此二十三字


第四十頁後二行相佐助禮儀也刊本相訛伯按  
孔疏云相佐威儀與陳澔此句同意蓋以釋大  
宗伯相之相字今改正

第五十七頁前二行牀第刊本第訛第今改

第六十六頁後六行東房之旁階也刊本旁訛房

據禮記正義改





總校官庶吉士 臣 張能照

校對官中書 臣 孫希旦

謄錄監生 臣 何 瑞